

古雪話禪師語錄

卷六
之十

C40
4514
(231)

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8



9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

C40-4514

了翁上座請大慈及有
家書置於此書山
我後笑語一應府中求
為學者不致許出院內
當山二世鐵牛機說



B 64853

古雪喆禪師語錄卷六

任翠巖寺語錄

嗣法門人傳我等編

佛成道日澹菴莊內翰送大獅子吼額至洪爐禪人
請上堂僧問南浦雲開宗風大扇西山日出祖印重
光法窟當興即不問獅王大吼事如何師云野狐倒
退三千里進云可謂正覺峯前千古秀無雲嶺上一
枝新師云風吹石臼念摩訶進云全憑補袞調羹手
撥轉如來正法輪師云大家共證明問靈山正令翠
巖權衡祇如高沙彌來和尚作麼生接師云不入洪

支那

支那

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

爐裏爭見是精金問一句當陽真面目千聖傳來盡
無爲無爲卽不問如何是真面目師云撲碎菱花鏡
通身是慧光僧禮拜師乃云王宮初降日已作獅子
吼何事入溪山特地觀星斗還會麼洪爐談談浪花
飛雪白眉毛生腦後復舉蘇東坡內翰參佛印禪師
值入室次印云此間無坐榻學士來作甚麼士云暫
借和尚四大作禪牀印云老僧有一問學士若道得
卽請坐若道不得輸下玉帶子士云請和尚問來印
云老僧四大本空五蘊非有學士向甚麼處坐士無
語遂畱玉帶以鎖山門大眾東坡無語具置試問諸

人還道得否眾下語不契師云三千劍客今何在獨
許莊周定太平

熊少宰送大雄寶殿金額至小參佛恩難報佛法難
聞佛理難明佛世難值所以教中道諸佛出世如優
曇鉢羅華時一現耳大眾要知三世諸佛不離自心
是故自心眾生滅則佛現自心眾生生則佛隱然一
切眾生滅流注念念不停爭得諸佛時時出現諸
佛既不現則一切佛法亦不現一切佛宮殿亦不現
一切佛妙莊嚴具亦不現一切佛三十二相八十種
好亦不現一切佛殊勝希有事亦不現既皆不現則

一切眾生無由瞻仰無由起信無由種天人之福無由越三塗之苦無由聞難聞之法無由報難報之恩譬如翠巖祖庭自淹沒以來殿閣莊嚴一切化爲烏有四鄉善士雖欲植福無地可植雖欲聞法無處可聞雖欲報佛深恩無因可報幸有護法善神先懸雪上之識諸山耆舊同罄鉢中之餘諸大宰官居士或以翰墨爲佛事或以金玉爲佛事或以讚揚爲佛事或以毀謗爲佛事乃至五湖衲子半夜敲門頻年擊柝口勞舌沸骨露皮穿所以嵯峨寶殿頓還唐宋舊觀煥爛銀鈎倍增巖巒秀色山僧本是一箇精光竅

漢上無片瓦下無卓錫道不足以恢弘佛祖德不足以感動天龍鬼神智短才疎緣微福薄豈能建立大功成就大事此蓋全賴護法耆舊及諸賢衲之力今則佛殿已成佛恩已報且道如何是諸佛正法試舉箇古人公案與列位商量昔梁武帝問達摩祖師云朕自卽位以來造寺度僧不計其數未審有何功德摩云無功德帝云爲甚無功德摩云此是人天小果有漏之因帝云如何是真功德摩云淨智妙圓體自空寂如是佛法不以世求大眾謝病下藥因時制宜須是達摩祖師若是翠巖卽不舛或問造寺度僧有

何功德但向他道水漲船高泥多佛大或云如何是淨智妙圓體自空寂但向他道明辰上正梁大家齊著力

豎天人師殿上堂雪中寶殿久已呈祥雲裏画梁今朝方豎布金施粟檀那深植無漏之因竭力勞心衲子同圓未了之願大功既就大用全彰大智洞然大機普應轉法輪于塵際現寶刹於毫端直得百億虛空同聲喝采恒沙諸佛靡不光臨所以道我此道場如帝珠十方諸佛影現中大眾卽今四眾畢集萬指圍繞豈不是現底影子且道請佛在甚麼處豎拂云

一梁聳拔青霄上六戶常明翠竇間

開爐上堂山僧自住翠巖以來七載之間八度結制皆以五七間敗屋爲禪堂以三寸舌頭爲爐鞴以鐵如意子爲鉗錘冷灰堆裏間或爆出一顆兩顆祇是不堪上眼獨有今年迴與尋常不同九夏三秋之間卻以六七十里山溪爲禪堂以牽板篾纜爲爐鞴以汀州清流樹爲鉗錘一期之間鍛鍊得一駁銅頭鐵額漢箇箇可以爲梁爲棟大眾若據山僧見解一向用底卻是小爐鞴謂之作效馬醫縱使醫得活來不耐風霜不斲葵鍊今年用底卻是大爐鞴若能受得

卽成一行三昧又謂之妙莊嚴三昧無盡藏三昧大
衆且道今冬結制還是用大爐鞴邪小爐鞴邪喝一
喝云觸目不會道運足焉知路

迎佛登殿晚參佛殿雖有新舊佛身原無大小隨分
拈一毫頭盡現八十種好拈杖云者豈不是一毫頭
還見八十種好麼喝一喝云直饒親見得也是眼裏
黃金屑

除夕解制熊少宰設普茶請小參一歲除羣機息舍
廩雖罄空且無私債逼祖師禪休外覓斷甑碎瓦盡
隋珠木頭竹葉皆荆璧衲僧家須委悉百年三萬六

千朝回首看來駒過隙旣解制重打七自己心頭須
著急心頭不急眼不開未免因循虛度日且道不虛
度時如何淨名原是老維摩

陳行遂居士請上堂僧問共說無生話千古羨龐公
檀那今再請煩師一綫通師云蒿箭射虛空僧禮拜
師乃云蒿箭射虛空虛空百雜碎全機獨露時超出
世出世大衆隨順慳貪嫉妬嗔恚愚癡造種種業受
種種苦是世間法勤修六度萬行永斷九結十使乃
至菩提涅槃真如解脫是出世間法世間法如病出
世間法如藥以無上之妙藥起必死之膏肓病盡藥

除卽妙劑靈丹亦成長物所以道衆生罪業深可怖
於百千劫不見佛漂淪生死受衆苦爲是等故佛與
世慕豎拂云佛已出興也諸人還見麼若也見得則
無罪不除無願不遂可以盡凡情可以躋聖位脫或
未殊好將江上沫覩等夢中身

無改優婆夷請上堂三冬無煖氣止水不藏龍一語
吳三玄瓊花開確策所以有時恁麼有時不恁麼有
時恁麼中不恁麼有時不恁麼中卻恁麼有如是操
畧得如是自在乃能東湧西沒纖毫無改出生入歿
隨地稱尊且道正當恁麼時如何山盡疑無路谿回

別有邨

出郡歸晚參舉臨濟大師示衆云有一人常在途中
不離家舍有一人常在家舍不離途中且道那箇合
受人天供養大慧云賊身已露師云山僧出郡數日
便不在家你們終日在家便不曾出路作麼生說箇
常在途中不離家舍底意旨衆下語不契師云山僧
爲汝拈出一句定綱宗須是大慧老漢一語分玄要
還他臨濟大師且道翠巖又作麼生擊香几云單重
交拆

古峯山徑禪師請上堂坐斷十方時聲不是聲色不

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述
高僧傳卷之九

是色密移一步處山依舊是山水依舊是水於密移處薦得便能顯大機發大用權衡佛祖提唱宗乘不向毒海裏汨沒於坐斷時便休終是鶻臭布衫豸脂帽子所以道從天降下則貧窮從地湧出則富貴門裏出身易身裏出門難正恁麼時如何是身裏出門底句領下着毛倒插天南山起雲北山雨復舉楊歧禪師上堂云薄福住楊歧年來氣力衰寒風吹敗葉猶喜故人歸囉囉哩拈起柴頭且向無煙火大眾楊歧遠祖提持箇事如指諸掌爭奈熟處難忘翠巖則不殊薄福住翠巖天寒髮不芟故人從遠至默對

口喃喃既是默對因甚口喃喃澄潭不許蒼龍蟠上堂以泚泚續爲事須有不龜手之藥以射猿猴爲事須有養由基之箭以超生歿越涅槃爲事須有爍迦羅之眼此眼一開方能辨龍蛇別縑素梯航萬有津濟羣靈所以道生歿海中以眼爲津梁然此亦是尚爲今時途中受用卽不無向上一著卽未在上且如何是向上一著叢瞎爍迦羅眼後驚奴白牯盡揚舂復舉仰山問中邑禪師如何得明見佛性邑云譬如一室六窻內有一獼猴外獼猴喚云猩猩內獼猴應諾如是六窻俱喚俱應山云承和尚譬喻無不明了

支那

高僧傳卷之九

或若內獼猴睡著時如何邑下禪牀執山手云猩猩
與你相見了也大衆能近取譬中邑可謂仁矣惜乎
被仰山一撻未免手忙脚亂翠巖卽不然或有問如
何得明見佛性劈脊便棒何故免得猩猩貪瞋睡勞
他六戶喚頻頻

涓涓胡佛子等披鬚請上堂僧問凡胎刀下盡頂相
歷然彰棒下無生旨請師爲舉揚師云霜葉已辭原
上樹進云與麼則親入洪崖社凡心卽佛心師云冰
花尙鎖洞中泉僧禮拜師乃云百千佛法不出一掌
直下知歸猶隔霄壤旣是知歸因甚又隔霄壤九苞

鳳尙縈金網且裂破網羅一句作麼生道和風吹愛
日冰樹自涓涓昔趙州禪師示衆云北方來者與之
上載南方來者與之下載大衆趙州老漢雖善撥轉
天關掀翻地軸未免隨人上下翠巖則不然南方來
者光鬚頭淨洗鉢北方來者淨洗鉢光鬚頭若人會
得不妨四楞蹋地

成道豎毘尼應供香積三堂謝定邦二監修程齡伯
居士薦母請上堂幽明之故歿生之說一點星輝千
差頓徹或演毘尼或惟一默或應供于天上人間或
分飯于香積佛國或陞初利度現在之母或坐雪山

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

高僧傳卷之九

指羣靈之月正眼觀來總不出者箇時節若知者箇時節則生而非生滅亦不滅雖不滅不生卻能現男現女現俗現僧定國安邦成家立業正恁麼時且道程門朱氏畢竟在甚麼處豎拂云是處是慈氏無門無等財復舉教中道世間一切諸凡夫信是法者甚難得若能勤修清淨福以昔因力乃能信大眾祇如今辰檀越飯僧薦母豈不是清淨福作麼生是法卓拄杖下座

何介甫居士請上堂異類中行底始可受得人天供養一切不會底乃能親與佛祖為師祇如西天打鼓東土作舞南山起雲北山下雨又作麼生陋巷不騎金色馬回途卻著破藍衫頌云一年一度修香供山愈峻嶒海愈淡不是多生培福智肯將黃葉博黃金下座

舉慶西堂瑩如二禪人薦師三貧請上堂僧問千眼頓開十方坐斷未審亾靈向甚處遊履師云湘之南潭之北進云外不住凡聖內不住根本底人來還受得人天供養麼師云赴出三門外進云徧界且無尋覓處分明一點座中圓師云你着鬚因甚墮落僧無語師云猶欠分明在乃云未學參禪且學陶流泉夜

支那

古史部新書卷之三

夜鼓寒濤一聲驚斷幽人夢湧出摩尼價倍高豎拂
云犬眾還見摩尼麼當陽如未委問取慶西堂
除夕上堂僧問本無去來爲甚麼迎春送臘師云天
左旋地右轉進云古人烹露地白牛與眾分歲和尚
又作麼生師云金剛圈栗棘蓬進云向上還有事也
無師云有進云如何是向上事師云明日來與你三
十棒師乃云屋廬已蓋了要緊是搬柴搬盡潭無事
端跌享歲齋下座

元旦上堂牢山道士儼如仙章水老儒年八十涯岸
不封疆不分同聽法王義第一所以世尊道十方諸
佛國惟一無二乘孔子道吾道一以貫之老子道抱
一爲天下式諸人若了得一無事不畢無教不明無
疑不息大眾今朝恰逢元旦一旦道一在甚麼處拽
拄杖便下座

上元解制尊禪人六句請上堂月遲遲燈燦燦因地
一聲全體煥但能不昧獨尊兒逝水年光何必筭白
蘋洲綠楊岸處處枝頭花爛熳燕語鶯嘯總是春爭
奈狂心猶未斷整芒屨削扁擔千山萬山恣遊翫前
途忽遇把關人莫教忘卻舊公案且作麼生是舊公
案上元原是正月半喝一喝下座

法雲菴智玉禪人請上堂大智無分別而玉石判然
大法絕階梯而升沉宛爾未明大法逐境生情重
則承劫沉淪情亾則立地解脫立地解脫則無分別
大智廓爾現前大智既現前則剖石出玉拈玉爲石
移頭作尾以尾爲頭然後運大悲心入生歿海或布
施或愛語或利行或同事以四攝法接一切人皆其
土苴緒餘不費纖毫鹽醬若能如是是真持戒是名
佛子所以道佛子受佛戒卽入諸佛位佛位既入且
道如何履踐法雲在處爲霖雨心月隨方破暗迷
佛誕如輪優婆夷請上堂僧問雪山六載卽不問七

步稱尊事若何師云千年石虎誕麒麟進云雲門道
一棒打殺與狗子喫又作麼生師云拔出腦後楔乃
云入王宮又出王宮片月何曾下碧空一念未生前
薦得通身頓現紫金容所以道一念心清淨卽是佛
出世一念心染汚卽是佛滅度是知一念頓空則凡
聖齊泯染淨雙亾於雙亾後何妨六臂三頭正齊泯
時不礙千形百狀所以具足優婆夷雖無女業示受
女身素服清潔常能大捨遂於忍辱波羅蜜中具足
十種波羅蜜八歲龍女以笏生之身具菩薩之行須
臾之間變成男子直往南方無垢世界坐寶蓮華成

等正覺大衆要知無垢世界麼卽汝現前一念清淨心是所以僧問馬祖大師如何是佛祖云卽心是佛大衆除卻四大五蘊那箇是汝心卓拄杖云日破浮雲宇宙清

上堂眞性本無生浮生皆幻四大是假借有借必還動轉還風煖氣還火涕唾還水骨肉還地如是四大各還眞性不滅四大和合眞性不生所以道四大性自復如子得其母翠巖所說不生不滅之法用薦王門黃氏早悟眞常之性同趨解脫之場大衆祇如黃氏四大離散已周一載眼耳鼻舌悉同灰壤縱使紫金光掇渠亦不見獅子吼音渠亦不聞作麼生說箇薦拔底道理還知麼無見見時爲正見不聞聞處是眞聞擊拂子下座

移佛像過新應供堂獨尊上座請上堂坐斷十方底人直須密移一步密移一步底漢依然坐斷十方有如是胸襟負如是氣槩始能開新華故在處稱尊拈尾作頭隨機導物正恁麼時頭正尾正一句作麼生道一口平吞十八灘卧龍飛躍起波瀾喝一喝送本山歷代祖位入尊宿堂上堂道眼闡明之謂尊德臘俱高之謂宿古今共坐一堂中浩浩商量舊題

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

後述

三

目大衆且道舊題目中所說何事莫是說直指人心見性成佛麼且喜沒交涉莫是說善惡因果毫釐無差麼且脫麼且喜沒交涉莫是說善惡因果毫釐無差麼且喜沒交涉莫是說三玄三要四禁五位乃至千七百則葛藤麼且喜沒交涉既都不是畢竟如何是舊題目豎拂云見麼若向者裏覷得透不妨與古尊宿同起同坐同入同出始堪消受人天供養開鑿人天眼目所謂以先知覺後知以先覺覺後覺是故先師住天童時特立先覺堂以祀歷代諸祖朔望率衆炷香瞻拜且勒石以紀其事山僧初住翠巖亦曾陞座告

衆設位安奉但未有堂今于大殿東特立一堂名曰尊宿以奉本山歷代諸祖蓋先覺尊宿名異旨同朔望禮儀仍照先師成式後之說法此山者皆可相繼而入大衆祇如本山尊宿歷梁唐宋元滅度已久卽今山僧設位檀越設供且道還來赴也無翠巖不惜耆毛爲諸人挑剔看拈拄杖云饅頭餛飩子初爇熟一鉢盂邊散一枚

住白法院語錄

新僧堂成羅鳳山居士請小參石帽峯頂選佛場開一句當天萬機頓息果歘頓息去便可攪長河爲酥

支那

五

醉變大地作黃金於一毫端現寶王刹坐徹塵裏轉
大法輪人人常光現前箇箇壁立萬仞不勞肯綮修
證直下及第心空鋤月耕雲盡是西來大意開單展
鉢無非古佛家風所以道行亦禪坐亦禪語默動靜
體安然衆兄弟且道那箇是安然底體莫是喝一喝
拍一拍麼莫是豎一拳頓一脚麼莫是画一圓相作
女人拜麼如斯舉措盡是弄精魂漢所謂依他作解
障自悟門而今諸方多是學底禪往往向知識口角
邊方冊上東卜西卜忽然卜得一機一境傻道我會
也似則也似是卽未是縱饒你學得十成無滲漏說

得攢華簇錦巧鈔鐵新及到眼光落地時一點也用
不著何故從門入者不是家珍直須自胸迸出始可
蓋天蓋地白法者裏舖席初開也無差珍異寶與諸
人搬弄憶得昔年在太白峯前拾得一籃栗棘蓬幾
箇金剛圈拋向諸人面前一任吞透若也吞得落透
得過不妨擺手出章江其或未然七尺單前高著眼
莫教空過好時光復舉王常侍參臨濟大師偕入僧
堂侍云者一堂僧還看經麼濟云不看經侍云還參
禪麼濟云不參禪侍云未審教伊作甚麼濟云一箇
箇教伊成佛作祖去侍云金屑雖貴落眼成翳濟云

將謂你是箇俗漢師云臨濟若無後語洎被打破蔡
州然雖如是未免旁觀者哂今日鳳山居士入山設
供偕山僧入僧堂他既不問如之若何山僧亦不曾
向他道教伊成佛作祖去且道與古人是同是別平
蕪盡處是青山行人要在青山外

除夜小參臘月三十日到來也還有脫灑自由底衲
僧麼出衆踣跳看僧問如何是白法境師云石帽峯
高日月寒如何是境中人師云亮公洞裏笑相親如
何是人中意師云腳下泥濘三尺進云人境已蒙師
指示向上宗乘事若何師打云放過卽不可進云恁

麼則水向石邊流出冷風從華裏過來香師云切忌
詐明頭乃云年盡月盡日盡時盡好箇到家消息爭
奈無人諦信卻道一年將盡夜萬里未歸人悽悽客
路悲霜鬢試問堂中衆弟兄胸次疑團盡未盡若也
盡當陽顯出毘盧印印破十方無邊太虛空掀翻八
萬四千塵勞剎剎皆爲解脫場塵塵總是大圓鏡
從他四序推移八風飄鼓萬年一念一念萬年常在
定也無生也無死也無老也無病也無迷悟并凡聖
翻憶西來碧眼胡道箇直指人心見性成佛也是鉢
盂口上重添柄雖然祇如雲門扇子踣跳上三十三

天觸著帝釋鼻孔東海鯉魚打一棒雨似盆傾又作
麼生五九盡處又逢春復舉天童先和尚因僧問學
人遠來要問和尚討箇佛做童云佛也是你分外事
師云斬釘截鐵本分宗師直下知歸罕逢達者還委
悉麼渾身已在含元殿何事嘵嘵問帝都

歲旦小參年新月新日新時新三陽開泰萬物咸新
驀拈拄杖云唯有山僧拄杖子不屬陰陽與故新有
時卓在孤峯頂上壁立萬仞有時突出十字街頭和
光同塵若向和光同塵處與拄杖子相見大似浮雲
遮日而若向壁立萬仞處與拄杖子相見未免重添

眼裏釘去此二途畢竟向甚處與拄杖子相見卓一
下云還會麼若向者裏見得和光同塵處灼然壁立
萬仞壁立萬仞處不妨和光同塵有權有實有照有
用雙明雙暗全主全賓如是則終日喫飯不曾嚼一
粒米終日著衣不曾挂一縷絲終日行不曾移一步
終日說不曾動口脣所以道諸人總被十二時辰使
山僧使得十二時然此猶是向下論量若也向上提
持去直得三世諸佛不敢正眼覷著歷代祖師箇箇
飲氣吞聲且道拄杖子有甚長處得恁麼奇特擲下
云出頭天外看誰是我般人復舉鏡清因僧問新年

頭還有佛法也無清云有僧云如何是新年頭佛法
清云元正啓祚萬物咸新僧云謝師荅話清云鏡清
今日失利明教因僧問新年頭還有佛法也無教云
無僧云年年是好年日日是好日爲甚麼卻無教云
張公喫酒李公醉僧云老人大龍頭蛇尾教云明
教今日失利師云說有道無卽不無二大老若是新
年頭佛法總未夢見在今日或有問白法如何是新
年頭佛法但向他道拄杖正開封他若擬議劈脊便
棒且道是有是無試定當看

香城請弘戒示衆昨夜壇上石羅漢得得走過西天

相訪優波離尊者尊者見羅漢騰空而來倉忙起身
恭迎就座遂問屈荷仁者金錫遙臨有何見教羅漢
云遠來無別特有所啓佛出世時以佛爲師佛滅度
後以戒爲師尊者乃吾佛大弟子持戒第一當此像
法之際我南閻浮提衆生貢高我慢障闍嫉妬不奉
戒律不守威儀乃至殺盜妄淫十惡五逆中外相侵
尊卑倒置臣弑其君者有之子弑其父者有之徒悖
其師者有之弟逆其兄者有之因此國界不安兵戈
四起血流漂杵骨積成山尊者何不乘悲願力分身
剎塵廣弘戒法普利人天耶尊者喟然太息云善哉

仁者乃能爲閻浮提衆生作大請主可謂內祕菩薩
行外現是聲聞第某螢火之光焉能破其闇昧况震
旦國中原有大乘氣象若僧若俗皆是大乘根器一
聞千悟得大總持自有當當性戒了無持犯之殊豈
假區區相名妄生縛脫之見所謂心平何勞持戒行
直何用參禪諸戒定慧及淫怒癡俱是梵行一切障
闕卽究竟覺正作是語時被山僧聽見震威一喝云
你者兩箇老凍膿大似徐六擔版各見一邊若知我
祖師門下向上關楨子爭肯恁麼道作是語已復喝
一喝二公逡巡而退各歸本位大眾前一喝且置敢

問後一喝意作麼生試道道看若道不得山僧打葛
藤去也不達境唯心起種種分別達境唯心已分別
卽不生豎拂子云大眾者箇豈不是境界竟阿那箇
是心若向者裏覩得個儻分明去不妨向聲色頭上
坐聲色頭上臥處處全彰頭頭顯露不落見聞知覺
不墮意想情塵淨羸羸絕承當赤灑灑無回互等閒
吐一詞三藏莫能詮尋常行一步鬼神莫能測非是
不參禪都緣無禪可參非是不受戒祇緣無戒可受
雖知有爲虛幻而不輕小善雖達罪性本空而不造
諸惡所謂無我無作無受者善惡之業亦不怠近代

有般狂禪僞學開口便引六祖心平何勞持戒之說以自覆其短啖肉飲酒靡所不至癡人我且問你六祖還得心平也未若道未得心平因甚卻傳五祖衣鉢若道已得心平因甚又從智光律師受戒殊不知古人一時抑揚之說對機之談便乃撥無因果自招殃禍又有一等盲修瞎煉耽名著相之徒不諳無作戒體祇管膠柱鼓瑟執藥成病單單以受持衣鉢爲戒殊不知持戒但束身非身無所束從上大律師如道宣本嵩輩何嘗不達毗尼性體來又有一等也不參禪也不受戒飽食終日無所用心但祇鬻光了頭

便言我是禪師癡人我且問你喚甚麼作禪具箇甚麼眼目便可以爲人師難道曉得兩部三官血盆壽生高王等經便可稱禪師耶更有一等自暴自棄自甘客作開口便言受戒參禪是禪和子事我們是應赴和尚便放肆些也不妨癡眾生吾佛制戒且令七眾同受梵網經云一切國王王子百官受位時應先受菩薩戒一切鬼神救護王身百官之身王臣且令受戒何況毀形壞服稱大比丘而不受佛戒耶昔洞山問僧云世間何物最苦僧云地獄最苦山云不殊向此袈裟下失卻人身是爲最苦大眾且道作麼生

出得此苦聾山僧爲汝註破若要世世不失人身直
須嚴持戒律若要頓超三界應須洞達唯心已上所
舉近代法門流弊諸方種種偏執總是不達唯心境
界故起種種分別昔本嵩律師因楊無爲請問終南
宣律師所述毗尼性體嵩荅以偈云情智何嘗異犬
吠蛇自行終南的意日午打三更大眾你道律師
不識禪得麼若識得此偈落處始名眞奉律山僧續
貂亦有一偈日午打三更冰華燄裏生誰識南昌郡
便是古洪城

白總戎請就香城論梵網經并啓華嚴萬佛會小參
大法離文字至理絕言詮處處露眞機塵塵揚妙諦
所以道諸佛不出世四十九年說祖師不西來少林
有妙訣到者裏不可以眼覷不可以耳聞不可以心
思不可以識識須是大根大器大丈夫漢向生佛未
分前覩聞莫及處直下承當全機透脫便可高揖釋
迦不拜彌勒婢視聲聞奴呼菩薩如是則三藏十二
分教還同故紙祖師西來無風起浪天下老和尚橫
說豎說總是熱盪鳴聲上不見有諸佛可攀下不見
有眾生可度內不見有自己外不見有大地山河森
羅萬象一片本地風光凝然獨露一著本來面目廓

爾現前然雖如是更須知有轉身一路始能顯大機
明大用殺活自在照用並行無佛處示佛無祖處作
祖無言處演言無相中現相或現天大將軍身鎮千
城於闔外或現丈六比丘身斷鬚髮於雲間或慈或
威或順或逆以同事攝現百億身全承此箇威光不
假他人氣力可以祝無疆之聖壽可以報罔極之深
恩可以定國安邦可以延齡益算以此懺愆無愆不
滅以此集福無福不臻以此保子孫綿綿瓜瓞以此
續慧命燄燄聯輝所以千佛萬佛佛佛同源大乘小
乘乘乘普利到者裏心外無法法外無心一瞻一禮

全明心地法門一香一華盡是舍那境界故梵網云
一華百億國一國一釋迦各坐菩提樹一時成佛道
豎拂云釋迦老子卽今在山僧拂子頭上成等正覺
轉法輪度衆生了也諸人還見麼從前汗馬無人識
祇要重論蓋代功復舉梁武帝請傅大士講金剛經
士陞座撫尺一下便下座誌公和尚問云陛下還會
麼帝云不會誌云大士講經已竟大衆武帝祇索一
顛夜明珠大士便打開無盡藏直得七珍八寶一時
現前然雖如是若不得誌公證明洎成瓦礫拋卻乃
顧視左右云衆中還有別寶者麼卓拄杖一下喝一

喝復云殺人刀即活人刀定國安邦勳業高提起此
刀能自斷凡情望解一時超

示衆舉梵網放火焚燒戒乃云黃面瞿曇原來膽小
若據山僧見解要明菩薩心地大戒直須大大底放
一把火將目前頑山体石敗葉枯枝以至三千大千
世界燒得乾乾淨淨洞無一物諸人本源心地不妨
觀體現前所以道一人發真歸元十方虛空悉皆消
隕虛空既消隕何處得山河大地草木叢林來又何
處得樓臺屋宅鬼畜昆蟲來如是則上無能害之人
下無可害之物誰是菩薩誰是衆生誰是持戒人誰
爲犯戒者所謂般若大智如火聚擬之則燎卻面
門直饒你不擬亦未免着鬚墮落且道畢竟作麼生
良久云從來無背面隨處任縱橫

遊廬山歸示衆菴菴極目起烽煙拄杖思量走上天
誰識此間原自穩歸來仍可伴雲眠大衆還識此間
麼三世諸佛於此間成道利生演揚妙法歷代宗師
於此間全提正令拔楔抽釘一切異類於此間舍身
受身橫出豎沒大浸稽天此間不溺劫火洞然此間
不壞毗嵐飄鼓此間不移三六時中折旋俯仰去來
動靜不離此間縱使遊徧匡廬雲居天台南嶽乃至

歷盡百億須彌盧不可說浮幢王刹亦不離此間所以道佛子住此地卽是佛受用常在於其中經行及坐臥若果親到此間便可倒戈卸甲海晏河清凡聖情忘生歿見謝虎無所施其爪兵無所投其刃正與麼時不動尊如來出來道長老還曾到此間麼山僧云到不動尊云長老旣到此間優該千穩百當爲甚麼惺惶怕怖束奔西走山僧呵呵大笑云老凍膿也許你大膽祇是要脫炙脂帽子更進一步始得且道畢竟如何溪洞白雲無住著不妨飛去又飛來復舉天童先和尚因僧問如何是不動尊童云此去徑山

五百里師云天童先師貫用金剛寶劍覲面全提者僧若知落處傻好百草頭上卸卻干戈今日或有問山僧如何是不動尊但向他道露柱騎牛登五老燈籠蹋雪返西峯久立竊慈伏惟珍重

有佛

古雪岳禪師語錄卷六

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

古雪喆禪師語錄卷七

嗣法門人傳我等編

住建寧府黃巖寺語錄

山門還鄉盡是兒孫事祖父從來不出門且道那箇
是不出門底祖父拽拄杖偃人

佛殿家中原有佛母勞向外求一番親見面頓破古
今愁傻禮拜

伽藍黃巖翠巖隨處作主整頓頽綱惟我與爾
祖堂馱舌鄉產祖國共商量無可說象骨老師曾覷

毳何似黃巖新棒月

韋馱滄海桑田銅駝荆棘梵剎尚依然全是金湯力
從茲應受著精神扶起宗風振八閩
據室罵詈佛祖鞭笞龍象道得也三十棒道不得也
三十棒爲甚麼如此發機須是千鈞弩
陞座拈香云此一瓣香覆燾萬物長育羣靈以德以
仁無偏無黨爇向爐中奉爲

北闕之至尊用祝南山之聖壽伏願五風十雨再見
陶唐之時萬國九州共樂羲皇之化次拈云此一瓣
香匄圖無縫八面玲瓏隱密難描萬方普現源流有
據現前四眾共知時節不違次第第二回拈出爇向爐

中專申供養

明州天童堂上傳曹谿正脈第三十四世上密下雲
先大和尚用酬法乳之恩歛衣就座上首白椎云法
筵龍象眾當觀第一義僧問西江久已振三玄闡嶠
迎歸道愈傳未動腳跟前一著請師端的爲人宣師
云七尺烏藤敲白月進云祇如入塵垂手又作麼生
師云萬竿翠竹掃清風進云世尊說法天雨四華黃
巖陞堂有何祥瑞師云優鉢羅華遍界開進云春回
百谷華鋪錦月到千峯樹續燈師云解吹無孔笛何
處不聞聲進云與麼則一回親見得鼻孔盡遼天師

云祇恐不是玉是玉也大奇問斬新日月特地乾坤
日月乾坤卽不問斬新特地事如何師云鐵鷄搏空
際進云翠巖已布天童令闍嶺從今法再新師云金
釵鎖碧流進云人人皆頂戴因甚不知歸師云春色
無高下華枝自短長進云恁麼則枯木龍吟去也師
云腦後依前欠一槌僧禮拜師乃云煙霞淡處寶藏
不虧敝垢衣中夜光無價無端對演若之鏡遂爾泣
楊朱之歧江北江南怖頭狂走拌身拌命把火尋燈
參遍濟洞兩宗作家添得胸次一團知解末後到太
白山下撞著箇極惡底知識痛與腦後一槌直得家

中寶藏衣裏夜光一時百雜碎從此跛跛挈挈如聾
如瞎祇圖向亮公洞裏嘯月眠雲豈料洪井谿頭業
風頓發吹出人天衆前未免撮土爲金喚七作八所
以本山護法耆舊謬承虛聲飛書屢召無奈葛藤延
蔓蹶歷三秋今春始獲一辭西江檀護買棹章江沿
途所經州邑不啻三千龍象萬里香華一到家中恍
如隔世因思童顏問道皓首還鄉行解荒蕪有負師
友旣到者裏當談何法可報深恩記得福州古靈神
贊禪師行腳回受業師問曰汝離吾在外得何事業
曰竝無事業遂遣執役一日因澡身命靈去垢靈乃

拊背曰好所佛堂而佛不聖業師回首視之靈曰佛雖不聖且能放光曰汝行腳遇何人吾前後見汝發言異常靈曰某甲蒙百丈和尚指箇歇處今欲報慈德耳業師於是告衆致齋請靈說法靈乃登座舉唱百丈門風業師於言下感悟曰何期垂老得聞極則事大衆有縱有奪有殺有活古靈可謂青出於藍冰寒於水現前兄弟箇箇有一座佛殿六門放光晝夜無間當此滄桑之後能使金碧輝煌百廢具舉卽此殊功偉績一天真但肯回機自悟誰敢道佛不聖箇箇可以師範天人人人可以梯航萬有正恁麼時

如何是梯航萬有底句拈拄杖云紫雲已布東風雨徧界優曇次第開更有一偈百城煙水太茫茫二十餘年苦備嘗今日迓歸雲裏寺碧桃開遍滿林芳白椎云諦觀法王法法王法如是師下座

清明埽受業塔兼謝汪斐然居士齋上堂未祭雙親塋先埽諸祖塔非是不親親祇緣淡重法衆兄弟正心誠意修身齊家治國平天下是儒門治世之法割愛辭親方袍鬪頂以戒定慧度貪嗔癡識心達本徹證無爲是吾門出世之法且道諸祖出世以何法接人豈拂云見麼若向者裏見得則一切世法卽是佛

法生滅去來全體不動森羅萬象觸目皆如徧現十
方利塵不離無縫塔裏所以道一切智智清淨無二
無二分無別無斷故楊子江心把柁須彌頂上張帆
百億舜若多神撐篙底撐篙盪漿底盪漿鷲狀觸落
東海龍王一對着毛直得驟雨傾盆迅雷震地釋迦
老子卻向摩羯國裏口喃喃地說道我此法印爲
欲利益世間故說在所遊方勿妄宣傳大眾黃巖已
宣傳了也還識此法印麼若也識得得大利益受用
無窮便能以此法印接一切人紹隆祖位永斷輪迴
脫或未然不免再打葛藤一上荒塚壘壘理盡古今

豪傑野狐隊隊穿空大小骷髏縱饒富比石崇尊同
萬乘三寸氣斷萬事皆空衰草寒煙煮蒿悽愴悲歌
薤露淚雨空灑於夜臺祭列蒸嘗紙錢徒熬於翁仲
到者裏父子至親不能相替夫婦至愛不能相替師
徒至密不能相替惟有自悟無生法忍方能出生入
死自在自由所以道惟有佛菩提是真歸仗處大眾
菩提之法克塞人間不遇明師對面千里所以諸祖
乘悲願力前後出興誨我童蒙同出火宅如此恩義
重逾丘山設藻陳芹何足云報直須識取自己一座
無縫塔子則五欲塵埃不埽自盡無明荒草不拔自

除正恁麼時諸人無縫塔畢竟在甚麼處拈拄杖云
祭華已吐清明節乳燕將鳴穀雨天

不染耆舊七旬賣田設供兼謝黃陳兩護法過訪請
上堂僧問法令當行千差坐斷坐斷卽不問如何是
法令師云利竿頭上煎餛子僧禮拜師乃云從心所
欲能不踰矩見色聞聲還同石女從今更不染諸緣
一片私田盡棄捐雨笠煙簑高挂壁笑看露地白牛
眠大衆且道露地白牛還有鼻孔也無擊拂子云聞
一以知十還他君子儒

佛誕振先陳居士祈嗣請上堂僧問一手指地又指

天周行七步震三千當機一句真消息今日請師爲
衆宣師云露柱夜懷胎燈籠鞠育子進云識破不值
半文錢師云未具摩醯眼誰能將虎鬚進云雲門信
手橫拈棒師云打殺後如何僧一喝師云未在乃云
露柱夜懷胎燈籠鞠育子因地一聲大振先祖十萬
八千僧伽耶歲歲香湯浴老爺須信爺兒原不二爛
泥堆長白蓮華豎拂云大衆者箇豈不是兒子且道
爺在甚麼處擲下拂子起身以手指天地便下座
高陽本族借諸戚屬請上堂僧問闔族同熏五戒香
高陽宗祖愈增光滹沱正脈流今古四衆臨筵願舉

揚師云雨散雲收後崔嵬數十峯進云翠竹黃華古
佛心其中消息幾人明師云誰家樹不春進云有意
氣時添意氣不風流處卻風流師云大鵬展翅蓋十
洲籬邊之物空啾啾僧一喝師云果然問海天嚴淨
黃巖境別立門風事更奇如何是更奇底事師云綠
暗紅稀日山山唬子規進云當機一句賓主分明如
何是賓主句師云扶桑夜半日頭明進云如何是主
師云鼻孔慣遼天進云如何是賓師云着毛展不伸
進云如何是賓中主師云蹋斷谿橋無片語進云如
何是主中賓師云白棒高提接四隣進云如何是賓

中賓師云牽羊納壁且稱臣進云如何是主中主師
云不共羲皇侶進云賓主已蒙師指示向上更有事
也無師云癡人面前不得說夢僧一喝師云野干鳴
問翠色重重露黃華日日新翠色重重即不問如何
是黃華日日新師云刺破眼中睛進云如何是黃巖
境師云天湖掩映雙輪影進云如何是境中人師云
兀坐唯聞流水聲進云人境蒙師指趨宗事若何師
云無舌童兒唱凱歌僧一喝師云黃巖用不著僧禮
拜師乃云春風扇處百華妍九族生天豈浪傳同里
同宗飯且戒芙蓉火裏愈光鮮大猷寒族叔侄弟兄

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

及諸親戚隣里鄉黨數十餘人衝風冒雨負米登山受戒皈依揮金設供請談無上般若以作苦海舟航大衆須知卽此一念真誠便是自性般若不假外求般若智光旣現則殺盜淫妄一切惡事自不肯爲惡事旣不爲則雖居紅塵不被塵染豈不是火裏芙蓉人間切利所以宋文帝云若使率土之濱皆遵佛化朕則垂拱坐致太平大衆正當此時如何是安家樂業共享太平底句拈拂云心至不妄動六國一時寧上堂佛法本無多日日墮堂說解將雙眼聞始信渠無舌大衆卽今箇箇口裏有三寸舌頭那箇是無舌

漢豎拂云春風多在綠楊岸昔日有箇賣柴底漢得錢三文卽以施僧重置鉢盂歸家五里步步歡喜報得後身爲王名拘畱沙隨所住處東南西北五里之地隨掘皆得三鉢金錢大衆拘畱沙王前生寒微三錢之施遂感爲王黃如珣兄弟登山皈依設供請法且道來生當得何報直超三界外豈戀九重宮復有一偈如珣如珣復如珣瑕玷渾無貴力行已具三多超八難生前正好究無生
云來
眞如菴主悟虛請上堂僧問心包太虛此則心外無法祇如今日齋主求出世因和尙畢竟示他何處安

身立命師云不因西嶠燧冰盡爭見東山一帶春進
云某甲卽不斲師云闍黎又作麼生進云雖斲舊闍
開田地一度贏來一度新師云泰山廟裏賣紙錢問
如何是出世之因師云鐵人騎鐵馬進云不會師云
蹋破萬重山僧禮拜師乃云正法眼藏含曇十虛涅
槃妙心全超萬象於全超處悟得則十方虛空一時
消殞向舍裏處知歸則翠竹黃華無非眞如般若所
以三祖大師道一有各種二無兩般昨夜妙應峯頂
歧梅二仙倒騎黃鶴入諸人鼻孔裏去也直得南山
起雲北山下雨諸人還知麼擊拂云爛柯樵子疑無

路挂樹壺公妙有家復舉乾峯和尚上堂云舉一不
得舉二放過一著落在第二雲門出衆云昨日有人
從天台來卻往徑山去峯云典座來日不得替請便
下座大衆乾峯向高高峯頭鼓浪雲門向淡淡海底
颺塵雖是同歎同生未免手脚俱露黃巖今日將者
兩箇老漢縛作一團拋向龍門橋下一齊淹殺然後
日日替請何也園中茶已老隴上麥初黃
園戒日立兩序定規楚黃陳衆護法請上堂僧問欲
明大法綱宗須是古規重整如何是大法綱宗師云
仲尼原是孔夫子進云如何是古規重整師云雀巢

中有定風枝進云祇如斬新條令一句又作麼生師
云七星壇上祭東風進云恁麼則全憑弘護力大振
古叢林師云壁上画棋盤翼中居士問不問有句不
問無句祇如黃巖今日扶起刹竿請和尚通箇消息
師云萬人叢裏奪高標進云此猶是有句師云識取
鉤頭意進云和尚莫瞞大眾好師云居士亦不得瞞
山僧士禮拜師乃云天命之謂性家家有柄無星秤
率性之謂道夜半日輪當午照修道之謂教方圓規
矩隨時妙所以道欲知佛法當觀時節因緣時節若
至其理自彰理既自彰則戒光從口出有緣非無因

一一蓋色騎聲時時循規蹈矩時節既至則雲從龍
風從虎聖人作而萬物覩重重主伴交參箇箇氣吞
寰宇選官選佛殊途同歸現俗現僧津梁末世成就
空華佛事振作水月道場總不出此時節所以眾護
法請啓中道昔特龐馬聚頭冤家狹路此日瞿曇覲
面緣幸三生大眾瞿曇既已覲面畢竟當談何事豎
拂云君看馬上紅纓紱便是去年雙秀才

孝廉石堂陳居士請上堂僧問他方行化廿餘年法
鼓雷音振大千台旃請登闍嶼座還鄉一句請師宣
師云萬派皆歸海進云還鄉一句蒙師指財法均施

事若何師云不是傾盆雨爭教萬卉榮僧禮拜師乃云一靈真性非聖非凡三教法門有同有別其別也或束帶立朝或衿霞僻谷或現三十二相或示勝熱婆須開合縱橫卷舒殺活隨宜通變不滯一隅其同也無非欲正人心去邪術斲意中之三毒復本有之一真一真既明則萬別千差一時坐斲六凡四聖總是空華所以道知是空華卽無輪轉亦無身心受彼生歿非作故無本性無故現前諸公箇箇是此本來佛性但能親見一回便可超凡入聖正恁麼時如何得親見自性擊拂云試玉須經火求珠不離泥

陳惟任居士祈嗣請上堂僧問震旦雖闊無別路要假兒孫腳下行如何是腳下底兒孫師云看橫鼻直問如何是五穀巖新境師云榴華照眼明進云和尚大法王無短亦無長本來非皂白隨處現青黃時如何師云枝頭金果正纒垂乃云諸佛不違衆生所願所以求男女者得男女求富貴者得富貴求智慧者得智慧求成佛者得成佛衆生皆是諸佛所生所以休戚相關患難相顧分身塵刹拯溺救焚譬如時雨普滋三草二木五穀百華悉得生長惟有隼茅敗種枯根壞槩縱遇五風十雨不能發生亦如窮子捨父

迹走傭賃展轉甘心客作父雖時時懷子子無一念
思親所以矜游辛苦無有休歇正恁麼時曠劫窮兒
歸家就父因甚父全不顧卓拄杖云一馬生三寅石
牛欄古路

寶峯寂禪人請上堂七竅同心百里遠來請法爲求
福龜毛眼上栽大窠此眼未開直須求慧此眼已開
正好修福福慧二種如鳥兩翼如車兩輪車無輪而
不轉鳥無翼而不飛福德既足智慧益深方可自利
亦可利人所以釋迦老子稱爲兩足之尊然豈如是
正眼看來不異龜毛兔角正當此時那箇是正眼馬

寶峯張江葉范復舉興化禪師因僧問四方八面
來時如何化云打中間底僧禮拜化云昨日赴箇村
齋中途遇一陣卒風暴雨卻向古廟裏躲得過大窠
者僧只有先鋒且無殿後姑置勿論祇如興化道向
古廟裏躲得過且道古廟在甚麼處怡闍黎云說法
已竟師云說法卽不無畢竟古廟在甚麼處怡白椎
云諦觀法王法法王法如是師便下座

雪峯寂禪人請上堂著衣持鉢是第一義禮懺誦咒
是第一義受戒聞法是第一義種田鋤地是第一義
送客迎賓是第一義作揖打躬是第一義乃至文字

語言山河大地鶯嗁喬木蝶舞芳叢無非是第一義
你纔擬議思量時便不是了也直饒你百不思百不
想亦是黑山鬼窟下活計未會第一義在畢竟如何
解接無根樹堪挑海底燈復舉卧輪禪師偈云卧輪
有伎倆能斷百思想對境心不起菩提日月長六祖
大師偈云慧能沒伎倆不斷百思想對境心數起菩
提作麼長大衆卧輪不善用心大似無繩自縛六祖
雖是對病說方其奈以五十步笑百步黃巖卽不然
陸地千波涌長江一滴無

佛誕峽陽王無說居士等請上堂儒月道星佛日古

今品藻固的眼底遮雲豁開涯岸何須各立大衆三
大聖人朝來向山僧拄杖頭邊一時降誕了也諸人
還知麼其或未知山僧卻請水上座爲汝點破諸人
要見魯司寇麼驀拈拄杖向左邊卓一下云向者裏
薦取諸人要見柱下史麼拈拄杖向右邊卓一下云
向者裏薦取諸人要見悉達太子麼復拈拄杖向中
間卓一下云向者裏薦取大衆木上座已爲諸人點
破了也且道三箇老漢面目何似莫是貌似陽虎麼
且喜沒交涉莫是騎青牛過函谷鬚鬢皓然底麼且
喜沒交涉莫是一手指天一手指地三十二相八十

種好底麼且喜沒交涉既都不是諸人見處又作麼
生試出來說說看良久云悉達太子見諸人不會卻
回迦毘羅國去也惟有孔李二老尙畱震且當恁麼
時拂子出來道孔李且置吾聞如來者無所從來亦
無所去和尙何得道回迦毘羅國去大眾拂子不妨
靈利要且未見鑿頭方畢竟如何峽陽街在劍州河
到槐李寺乘空禪人請上堂一月印千江一燈光萬
戶一句破羣疑一機超佛祖薦得此機則機機普應
透得此句則句句明宗旨得社舞村歌同揚聖諦鳥
嘯華笑悉露玄機誰言新建山高多法窟南昌地闊

少禪庭卽今湖光漱灑樹色蒼茫槐李枝頭尙垂唐
宋之雨露薜蘿門內儼然樂土之風規到者裏人人
壽量等虛空箇箇法身無變易祇貴自達自證從來
無欠無餘所以道楞伽寶山高四面無行路惟有達
道人乘空自來去大眾要識楞伽寶山麼卓拄杖云
不在西不在東祇在勞生日用中下座

到石鞏蘭城關主請上堂僧問千峯雪覆百獸潛踪
杲日當空全身獨露如何是獨露底句師云幽谷春
蘭香正發進云如何是恁麼不恁麼總得師云八尺
着毛領下生進云如何是恁麼不恁麼總不得師云

把斷關津水莫通進云恁麼則華開碓策大地全收
師云三千里外定諳譌問慧祖垂機一隻箭唐至于
今千餘年幸遇和尚重赴席願示無爲度羣迷觸色
聞聲有爲底事畢竟如何是無爲師云髑髏粉碎始
知音進云但願不惜婆心力指點羣迷向上機師云
三汲浪高魚化龍癡人猶辱夜塘水問如何是古佛
心師云庭前階下草問石鞏中興三十載今鞘弓箭
喜重拈如何是聖箭師豎拂子進云如何是一箭穿
卻半箇聖人師云拽出髑髏去乃云沒下手處不覺
水盡山窟掉轉身來依舊張弓架箭箭鋒相直罕遇

作家半箇聖人言中有響所以精金百鍊始見光輝
錯節盤根方明利器直饒空空湛湛絕朕無依正是
半箇聖人縱使穿楊手神臂弓未是全提金鏃拈拄
杖卓三下云若向者裏領略得便解殺活同時卷舒
一致佩三玄戈甲震四喝雷霆隨方建立法幢在處
解粘釋縛豈不見此山始祖慧藏禪師因三平來參
便云看箭平劈開胸云此是殺人箭如何是活人箭
祖彈弓弦三下平禮拜祖云三十年架一張弓兩隻
箭祇射得半箇聖人大衆師資會遇千載一時劈開
胸襟直下領荷豈不是特達英靈爲甚麼祇是半箇

者裏揀辨得出許伊具擇法眼諸人還知落處麼莫
守寒巖異草青坐卻白雲宗不妙

到南源洪爐禪人請上堂僧問龍吟霧起虎嘯風生
正恁麼時請師露布師云洪爐飛片雪進云恁麼則
育龍潭畔谿聲浩盡是吾師演法音師云未曾飽喫
廬陵米休把蒲團當作天乃云本源一著離相離名
格外一機全收全放全放處終日合水和泥不妨壁
立萬仞全收時長年壁立萬仞不妨合水和泥如是
見得則前身後身還同電影眾生諸佛總是空華所
以昔日詰祖向空華影裏乘悲願力示生臨汝割草

南源入翠巖之室轉園木之枕踞大漉之法席啓烹
佛之洪爐道振一時法流千古山僧昨以赴請歸闈
道過臨川合山耆舊咸謂詰祖再來特特遠迎請陞
此座舉揚般若正眼看來亦不異空華現前諸公解
向空華影裏中興祖庭樓臺殿閣聳出雲間豈不是
夙植勝因故能恢此弘業諸公更能悟取本源一著
則箇箇是祖師再來竝無秋毫差別众生出沒觸處
全彰南北東西隨方利物正恁麼時且道如何是隨
方普利底句喝一喝云育龍潭上風雷動遍界爲霖
不露踪

云青山常在白雲中師云好與三十棒僧禮拜師乃云衣錦還鄉可以榮親而不可以報親陞天說法可以報親亦可以利人所以道大孝釋迦尊歷劫報親恩大衆祇這一點孝心刀割不開斧斫不斷入火不爇入水不濡可以通儒釋貫今古超去來越生歿所以道孝順乃至道之法孝爲百行之先孝爲爲仁之本乃至感天地動鬼神笋抽凍竹魚躍層冰娥江厥湧鼓腹超升無非是此一點孝心發現若無此孝心則與禽獸不異一切罪垢由此而生舍身受身從劫至劫不聞父母三寶名字名字尚不聞又豈有鞠我

育我出入腹我及受戒聞法之事故經中云敬師長者今生始遇明師長孝父母者今生始得好父母大衆生事以禮歿葬以禮祭之以禮乃至揚名聲顯父母育子孫續宗祖是在家人之孝且道出家人當以何法孝親豎拂云若向者裏見得最初父母一面是真孝子是名報恩故先德云流轉三界中恩愛莫能捨棄恩入無爲真是報恩者大衆山僧棄愛出家二十餘年遍歷名山大川受盡千辛萬苦祇學得此無爲之法合族諸公殷勤啓請舉揚般若亦無非說此無爲之法憶得三十年前隨先嚴藏修此地先嚴曾

有聯云本來是箇光棍子爲甚在世界中裝模作樣
大衆先嚴此語宛與本來無一物同一關捩諸人還
識得本來麼若也識得便解無爲脫或未然不免當
陽點破拈拄杖云要識本來者箇光棍麼以拄杖左
邊卓一下云這裏是要識世界中裝模作樣底麼以
拄杖右邊卓一下云者裏是所以風穴云若立一塵
家國興盛野老嚮蹙不立一塵家國喪亾野老安貼
正恁麼時畢竟立卽是不立卽是擊拂云家國傾亾
後鄉關信不通回途能復妙孤鶴出銀籠更有一偈
舉似諸公香隨金錫覆高陽誰謂還鄉道不香但自

一心空十惡不煩神足上天堂

天中節巖邊陳如璋居士偕衆姓請上堂若論此事
譬如久客還故鄉一般卽此五穀巖乃古僧讀書之
所天曆臺是山僧幻影投胎之地巖邊堧頭前坪粟
坪乃山僧世代之親隣然離鄉旣久鄉間景况乃至
親戚老少姓名盡情忘了今雖歸家舊時親友皆不
能認舊時地名皆不能記必求常在家中之人一一
指點某處爲前坪某處爲粟坪某處爲巖邊某處爲
堧頭某處爲天曆臺某處爲五穀巖某爲叔侄某爲
兄弟心中一一領略分明然後應酬交接秋毫不紊

我輩學道亦然從無始劫來迷卻本有佛性之家回
外狂走家中佛法盡情都忘輪迴於四生六趣既久
必須求大善知識開示指點始知回頭故達摩祖師
云一念回機還同本得然回機之後更須微細操履
始能及盡玄微深明差別所以道涅槃心易曉差別
智難明現前列位鄉親暮夜負米設供請法卽此一
念便是涅槃心若能永斷諸惡常修眾善一旦瞥然
開悟如山僧還故鄉一回則一切佛法本來現成所
以高峯道祇是舊時人不異舊時行履處大眾且道
還鄉後如何行履拈拂子云慣使丈人驅魅鬼頻拈

蒲劍斬邪神更有一偈舉似大眾我是昔人非昔人
氈毳做衲不沾塵一回曳杖還鄉黨無數鄉親是法
親

上和文學張玄隱瞻百等迎至普濟巖請上堂三十
年前到上和重重樓閣碧嵯峨而今再擁籃輿至極
目凄清感慨多大眾萬事無常猶如飛埃過目有成
必壞還同兔角龜毛所以經中道因妄有生因生有
滅生滅名妄滅妄名真大眾且道妄作麼生滅莫是
持經持咒禮佛念佛麼且喜沒交涉莫是擯除聲色
屏絕見聞麼且喜沒交涉莫是閉着閉眼澄心靜坐

麼且喜沒交涉莫是萬緣休歇一切不爲麼且喜沒交涉所以張拙秀才道斷除妄想重增病趣向真如亦是邪既不許趣真復不得斷妄畢竟如何得與真相應去豎拂云見麼若向者裏覷得透則川流嶽峙華笑鳥噉法法純真塵塵顯露所以道卽此見聞非見聞無餘聲色可呈君箇中若了渾無事體用何妨分不分是知了卽聖賢不了卽凡夫當其未了之時祇向兔角龜毛上較長短論得失既了之後便能越灰生齊物我融得喪超因果所以道諸優戲場中一貴復一賤心知本是同所以無欣厭於無欣厭處不

妨遊戲塵沙刹海或爲帝王或爲宰輔或爲比丘或爲居士或爲童男或爲童女乃至僻壤遐方溪村窮谷一一普現色身處處作大知識使彼迷頭狂走之輩箇箇知有本地風光長揖四生永超入難豈不是普濟萬方若以七寶五穀玉帛金珠不過濟一時一世一鄉一郡之饑寒困苦爭得名爲普濟正恁麼時如何是普濟萬方底句澗下石龜相對語崖前雪瀑散天華下座

上阜文學江君俊李振凡洎叡鄉親等迎至圍明菴請上堂僧問萬國同尊是法王千年一遇降茲鄉鏗

鐔天樂迎將至處處圓明願舉揚師云千尺金峯凌
碧漠進云與麼則當陽無背向覲體露全機師云數
行寶樹入青雲問遠迎象駕求法皈依未審吾師將
何指示師云玄關倒插無鬚鎖進云隨處作主遇緣
卽宗時如何師云千山勢到嶽邊止進云瞻之在前
忽然在後又作麼生師云萬派聲歸海上銷僧禮拜
師乃云大風起兮雲飛颺威加海內兮歸故鄉安得
猛士兮守四方此英雄帝王撥亂反正創業垂統之
後榮歸故鄉慨悲歌之詞也毀形守志節割愛辭
所親出家弘聖道誓度一切人此大雄法王棄禹乘

辭二親入道之初誓千古之模範也且道人王法王
是同是別若道是同一箇居塵一箇出塵事迹懸殊
染淨迴別若道是別救世婆心原自不差到者裏如
何得融通合一去潭大衆當知利言夢醒人我情空
一念不生前後際斷偃自心之戈鉞歸自心之正道
便是人中之法王創法席於十方施法恩於四海隨
機導物釋縛解粘便是法中之人王所以永嘉祖師
道法中王最高勝河沙如來同共證但能解此如意
珠自利利他終不盡大衆當知此如意寶珠祇在衣
裏不假外求但能上無攀仰下絕己躬自然圓明瑩

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

樓道

三藏經卷之八

七

徹猶如月映于江所以萃嚴會上無數日宮天子月宮天子人間天子閻羅天子大梵天王阿修羅王迦樓羅王娑竭龍王緊那羅王乃至主晝神主夜神主風神主雨神主江神主海神皆是大權菩薩示現受生或慈或威或隱或顯或僧或俗或男或女無不乘此如意寶珠光明無不乘此如意寶珠神力廣利有情同離火宅然雖如是或若衣破形銷人亾家喪時此珠畢竟在甚麼處不惜睂毛爲諸人道破乃以拂子擊香臺朗聲唱云聲光著兮四海颺寸土不留兮定故鄉于江一月兮應無方復以拂子連擊香臺兩

下下座

普慧者舊送衲衣至兩序慶誕請上堂僧問師親俱報孝行已全壽同列祖卽不問未審生從何來師云一片紫雲籠嶽頂乃云一衲珍藏十數秋相傳原自老堂頭而今惠及黃巖叟日日披來接上流大眾若是上流之士不假言詮一點便知于差頓息所以布毛才吹侍者狂心便歇衲衣未脫興化道眼園明道眼旣明則終日著衣不曾挂著一縷絲終日說話不曾動著舌頭如是見得則生卽不生滅卽不滅於不生不滅地不妨現百億身入生灰海提拔四生同悟

支那

高麗新語錄卷八

七

同證正恁麼時如何是頓悟無生底句翡翠蹋翻荷
葉雨鷺鷥衝破竹林煙昔唐太宗皇帝誕日語大臣
長孫無忌曰今日朕生日世俗皆爲樂在朕翻成傷
感何也朕今君臨天下富有四海而承歡膝下禾不
可得此子路所以有負米之憾也詩云哀哀父母生
我劬勞奈何以劬勞之日更爲晏樂乎大猷聖明天
子間世一出格言孝行千古可風我輩沙門釋子雖
無晏樂之事罕有傷感之心人莫不有父人莫不有
母人莫不有生人莫不有歿各宜悲傷感慨思量求
出生歿報父母之法則不空來人闢世矣且道如何

是出生歿報父母之法卓拄杖云無根樹上華常發
下座

佛頂心安耆舊等請上堂未到佛頂底用盡機關終
日覲覲不得到已到佛頂底息慮忘緣長年任運不
肯住雖然不肯住究竟未嘗離佛頂雖然不得到爭
奈盡力跳不出正恁麼時且道佛頂在甚麼處卓拄
杖云雪庭臂斲心安後鐵樹華開月上時

圓戒日開爐普滋闍黎等請上堂僧問兩堂結制卽
不問請問和尙如何是聲前句師云峯尖翻巨浪進
云聲前一句蒙師指濟上家風事若何師云井底種

桃華進云恁麼則黃巖號令傳千古今日當軒一句
新師云聾人爭得聞乃云黃巖寺裏開爐乾柴受用
不盡逼得寒氣高飛通身自絕百病冷病熱病毛病
懶病膏肓病八萬四千煩惱病一時俱消諸病既消
便見心地戒光本自圓滿本自逍遙行也逍遙坐也
逍遙動也逍遙靜也逍遙生也逍遙歛也逍遙雖歛
歧梅真人跨鶴下雲端因甚蹋折龍門橋喝一喝云
一雨普滋三草秀六華彌布四山周

立春日悅監院請上堂僧問考鐘伐鼓大眾雲臨送
舊迎新卽不問向上宗乘事若何師云三面狸奴腳

蹋月進云能爲萬象主不逐四時凋如何是萬象主
師云兩頭白牯手拏煙進云恁麼則法王殿上傳新
令大地齊彰劫外春師云刹竿頭上仰蓮心問寒暑
推遷卽不問如何是不遷義師云萬年松在最高峯
進云太陽門下日日三秋意旨如何師云拄杖頭邊
挑日月進云識得東風面枝枝總是春師云一翳在
眼空華亂墜僧禮拜師乃云與衆同樂故能常樂與
衆同安故曰大安與衆同參故名普參與衆同證故
爲圓證圓證之後始能荷負法門巨任掌握叢林大
綱大綱旣整衆目齊張除卻焦茅敗種無有不沾其

恩澤者正恁麼時如何是圓證底句劫外春光常溢
目庭前鐵馬慣嘶風

除夕小參今年歲月不虛度了卻平生三大事一父
母二師長三檀護鞠育恩淡同雨露先掃塔次掃墓
豐碑已得大文字施義田矜孤孺紀綱再整酬知遇
此是山僧三大事試問諸人大事還曾了也未如未
了火急參火急悟韶光不可等閒度且道悟後如何
有相身中無相身寒暄歷盡渾如故復舉雪竇顯禪
師示眾云三分光陰二早過靈臺一點未揩磨貪生
逐日區區去喚不回頭爭奈何大衆雪竇老漢大似
爲他閒事長無明雖然如是恩大難酬黃巖續貂亦
有一偈萬事浮雲眨眼過吹毛頻用不須磨聞風破
膽人無數誰敢當機問若何喝一喝

元旦上堂入新春說新法斜毛寬虛空狹拶得開全
機活無根樹華齊發華卽且置如何是無根樹拄拄
杖偃下座

斷菴書記五旬請上堂僧問不問有生不問無生如
何是廣度衆生底法師云今春春色早桃李隔年開
進云等閒識得東風面萬紫千紅總是春師云莫戀
藤邊蜜休貪夢裏珍進云謝和尚指示師乃云色身

有生有滅法身無滅無生踢斷虛空脊骨金烏夜半
常明大眾要會半夜金烏麼爲汝分明指出拈拂云
眼觀春色如流水昨日少年今白頭

燈節益叟張公偕衆耆舊請任佛頂上堂僧問皎月
當空寧有高低之不曾眞燈照世本無晝夜之可分
月卽且置請問如何是眞燈師云照燭不留影進云
誠知佛頂高而無上望不可及未審還照燭也無師
云大家在裏許進云好景好時人盡曉無根樹子孰
能知師云你還知麼進云知師云如何是無根樹僧
翻筋斗而出師云笑殺旁觀問上元節已竟光陰密

變遷如何是不遷不變底意師云高燈偏照遠進云
聖量現前無得失凡情盡處是何人師云演若不迷
頭乃云同門爲法太殷勤三度飛書到紫雲但得人
人歸佛頂心燈寒燄不分分大眾不分而分南山起
雲北山下雨分而不分鞭起陝府鐵牛吞卻嘉州大
象正恁麼時分卽且置如何是心燈千珠浮碧澗雙
蓋偃青松

解制上堂結是自己結解須自己解春風開遍故園
華爭奈枯根容未改大眾且道枯根未改還怪得春
風也無喝一喝云那箇男兒不丈夫

大士誕日初利函公偕眾檀越請上堂僧問大士示
生卽不問羣機普應事如何師云無底籃中赤鯉多
進云祇如西江檀護耆舊再四攀迎如何得不辜負
去師云迷雲如未散靚面隔千山余居士問知識難
遇大法難逢請問如何是法師云山僧原是高陽人
進云今日非昔比悟道卽超凡師云今昔原無異迷
悟自殊途士禮拜師乃云過去正法明現前觀自在
觀既自在則聽亦自在聽既自在則生亦自在生既
自在則歎亦自在如是則隱顯去來他方此界無往
而不自在是故示現千臂千眼接引羣迷直令六道

四生箇箇得大自在所以道觀音妙智力能救世間
苦大眾且道如何是觀音妙智擊拂子云擊碎虛空
雙耳門掀翻忍界成初利

圓戒日謝復菴居士等請上堂僧問受波離戒律習
馬勝威儀祇如隔壁聞釵聲卽破戒戒如何持師云
聚螢豈可藝須彌進云三壇等施六度齊修如何是
齊修師云俊鶴貼天飛進云如何是漸修師云烏龜
階下立進云龍得水時添意氣虎逢山色長威猊師
云龍虎在何處進云面目分明當機不露師云切忌
認奴作郎乃豎拂云雪嶺末後拈華黃巖日日豎拂

猛虎齧殺大蟲枝頭梅子正熟擲下拂子云戒光非
色亦非心有何背今有何觸喝一喝復舉龐道玄居
士偈云迷時愛欲心如火心開悟理火成灰灰火本
來同一體當知妄盡卽如來大眾龐公雖是鍛過底
精金爭奈猶涉程途在黃巖卽不灰灰火本來同一
體當知箇箇是如來

玄豎宗妙叶衆禪人請上堂沒世無聞君子所疾
知恩不報先聖所呵末法僧徒見利忘義思源報本
能有幾人是故筆尖點出金剛眼至今照耀乾坤橋
邊拾得夜光珠亘古芳聲不墜正恁麼時拾得夜光

卽且置如何是金剛眼睛若能道得是真報恩脫或
未然虛生浪歎衆屏息師云山僧卻請水上座爲諸
人點出金剛眼睛去也乃豎拄杖云仰嶠蒼煙盡樵
川秋水清

新鑿放生池工竣赴佛頂請上堂僧問百丈大義卽
不問如何是普度羣迷底句師云積水畱新月進云
天不能蓋地不能載底來又作麼生師云開池貯錦
鱗僧禮拜師乃云胎卵濕化原同一體江河池沼竝
出一源達其源明其體始可頓超三界長揖四生是
故衲僧家有時殺有時放有時平高就下合水和泥

有時聳漢侵雲壁立萬仞壁立萬仞處螻蟻蚯蚓躋攀無門合水和泥時錦鱗紅尾感恩不盡今則高隄已築積水已澄湛似寒潭園同新月九夏劬勞卽且置一源溪達時如何拈拂云當門徹底明如鏡無數鯨鯤躍浪來復舉梵網經第二十不行放戒語畢乃云大衆世尊道若見世人殺畜生時應方便救護解其苦難祇如南泉斬貓歸宗斬蛇當恁麼時作何方便可以救得若能道得是真護生其或未然不免爲諸人點破豎拂子云鼃鼃魚鼈并鰕蟹盡在常光一道中復有一偈舉似大衆開池不爲聚浮財欲使

羣生離禍胎煩惱海中能解脫峩峩佛頂任徘徊因事普說畱得殷勤請得真龍驤虎驟各生嗔須知叢社千秋下應羨忘軀爲法人大衆天地間有二種法一曰王法二曰佛法復有四種人知法守法知法犯法知法爲法不知法爲法是爲四種人知法守法者在世間則爲君子爲賢人出世間則爲高僧爲德士知法犯法者在世間則爲小人爲殘賊王法所必誅出世間則爲裨販爲邪魔三途所必陷何謂知法爲法卽今天下弘宗演教據位稱師者自知無上妙法旨趣復爲法求人以紹續此法使燈燈不斷者是

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

按述

古學原師言錄卷九

何謂不知法為法即今天下有志衲子腰包頂笠撥草瞻風親明師求益友決擇此無上妙法者是譬如今日之事西江耆舊遠齋合省護法書幣冒險乘危四番請歸翠巖豈不是為法本山耆舊鳴鐘擊鼓羅拜遮雷豈不是為法雷得愈堅請得益切一則曰我輩千辛萬苦重興翠巖原為和尚一則曰我家和尚在江右十餘年化導已久嗣法有人今始歸家坐席未暖豈可復出兩家議論不一未免噉心忿起言語參商大眾即此一段公案千古之下可為標格何故若為爭勢利競人我而噉則非衲僧家事今既為法

而爭則噉者罵者請者雷者與夫堅卧不起者皆足為叢林盛事天下出家之徒儻箇箇肯如此忘軀為法則佛法日盛自不至有犯法之事更舉箇古人公案與諸公商量昔風穴沼禪師于郢州衙內上堂云祖師心印狀似鐵牛之機去即印住住即印破祇如不去不住印即是不印印即是還有人道得麼時有盧陂長老出問學人有鐵牛之機請師不搭印穴曰慣釣鯨鯢澄巨浸卻嗟蛙步驟泥沙陂佇思穴喝云長老何不進語陂擬議穴便打一拂子曰還記得話頭麼試舉看陂擬開口穴又打一拂子牧主曰信知佛

支那

古學原師言錄卷九

十五

法與王法一般穴曰見甚麼道理牧主曰當斷不斷
及招其亂穴便下座大眾今日江西緇素請去黃巖
耆舊畱住一眾共知且如何是去卽卽住卽卽破
底道理眾下語不契丘居士請代師乃云那邊不坐
空王殿爭肯耘田向日輪

文學李又綦居士等請至燕溪上堂綵結曇華不偶
然萬家生佛現閩川燕溪春漲瀟湘浪看取新龐泛
鐵船大眾鐵船浮處凡聖全超生佛現時天人罔測
所以毘耶城內勝契門中現百億之神通示無邊之
三昧或分香積之飯或決善財之疑是故小中現大

大中現小一多相含真俗竝照或經世則景星燦慶
雲騰或出世則曇華開道樹長雖普利萬方而親疎
有序不類墨子之兼雖同居五濁而恩愛情空不染
凡夫之習故進而致君澤民則爲萬家生佛退而修
身鍊行則爲一代高賢然雖如是若在祖師門下看
來不異鏡中之華波底之月且道祖師具何眼目得
如是超邁拈拂云屏山直躡青雲上燕水滔滔竟不
流昔崔尚書參國一欽禪師請問弟子出家得否欽
云居士出不得家崔云弟子出將入相爲甚出不得
家欽云出家乃大丈夫事非將相之所能爲後來駙

馬李遵勗閱此公案忽然大悟乃述偈云學道須是
鐵漢著手心頭便判直趣無上菩提一切是非莫管
大衆要會無上菩提麼分明爲諸公點破擊拂云打
起黃鶯兒莫教枝上嘯嘯時驚妾夢不得到遼西
翥鳳六奇諸禪侶偕衆耆舊迎至鳳山復放生池請
上堂鳳山勝地故里名藍雖陵谷屢遷而鐘鼓無恙
歷代知識向者裏各出手眼演毘尼合煙戶抽石筍
書梵宇山僧頃以祭埽還鄉合山耆舊屢迎說法然
佛祖語句充棟汗牛舉世無人聽著况山僧以爇火
之光耀於太陽之下何異牧唱漁歌且千聖出世說

法利生因時救弊弊若不革則法卽不靈法旣不靈
說之何益譬如治病相似黃連甘草附子人參貴圖
去疾疾若不去則人參附子亦爲長物殊治病固有
緩急革弊亦有後先所謂急則治其標緩則治其本
山僧有箇救弊妙法不假變齊變魯自能合乎至道
不勞滅煙滅龜自然斧劈不開今日旣承雅召到者
裛香但得主人恒不昧任他六戶各分房昔鼓山永
覺和尚住此山時因僧問如何是無作戒體覺云林
中石筍透天高進云一塵不染底人來時如何覺云

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

極進

高麗國志

三十棒赴出大眾鼓山老漢者三十棒打得極有理
祇是不合時宜今日或有問如何是無作戒體山僧
但向他道池中魚勿網忽遇一塵不染底來時如何
天外鳳常鳴夏有一偈半畝塘開古寺門魚鰕正好
施洪恩燕溪且有垂綸禁况是親親佛子孫

檀越王楊張偕眾居士請至仁溪上堂若論此事便
如倡義殺賊一般先須公舉一位韜畧俱全智勇兼
備之士為首然後布號令定賞罰嚴節制整戈甲夏
須探偵賊巢在何處賊路自何來賊眾有多寡賊陣
作何狀所謂知彼知己百戰百勝既知賊陣形勢方

乃發兵勦除對陣交鋒自可一鼓而下活捉渠魁搗
其巢穴然後班師凱旋稱功定爵大者為公次者為
侯伯又其次者子男我輩學道亦欲先以自心大智
為義首次以自心淨戒為戈甲兼以三明六度及八
萬四千諸波羅蜜為師旅然後奮大勇猛生擒六賊
盡殄羣魔羣魔既盡則自心法王隨方示現在處稱
尊始可坐致太平然雖如是外賊易破家賊難防正
當此時六賊交侵如何抵敵喝一喝云置之死地而
後生置之死地而後存破釜沉舟同力戰魔軍倒退
入無門昔龐道玄居士偈云有男不婚有女不嫁大

支那

高麗國志

七

家團鬪頭共說無生話大衆龐公既捨不得出家又
歡喜說大話幸賴有一張吸盡西江底口不殊三十
拄杖一下也饒不得後來有箇楊無爲居士卻云男
大須婚女長須嫁討甚閒工夫更說無生話大衆楊
公雖是頂門具眼爭奈俗氣不除山僧卽不殊無男
可婚無女可嫁既遇故鄉人便說故鄉話且道如何
是故鄉話至仁溪闢從魚躍大義橋高任客行更有一
偈舉似大衆非官非佛亦非神何故村村送迂頻
合里但能修十善續紛華雨四時新下座

元度謝孝廉美斯周別駕振公周文學等迎至蓮華
寺上堂僧問按下紫雲頭便踏蓮華上爲是神通妙
用爲是法爾如然師云峯臨城外層層秀進云恁麼
則十聖三賢難測度人間天上任逍遙師云石到溪
邊箇箇圓進云恭惟和尚過化存神人天交慶師云
上座又作麼生進云人人本具問西來大意請師直
指師云通都橋下水日夕響晴雷乃云風飄敗葉莫
景蕭條露滴金華寒香馥郁榮枯迥別幻化無殊凡
迷不惺妄遭淪墜是故維摩大士親證此如幻解脫
三昧遂能隨類現身入塵勞海或語或默或隱或顯

以四攝法廣引同流共證此如幻解脫三昧當其居
毘耶離城之際示有玉帛而無貪戀示有刑罰而無
嗔怒示有妻妾而無染著蓮華不足以喻其清潔秋
月不足以喻其孤明卽此火宅炎炎便作清涼世界
現前諸公若能親證此如幻解脫三昧則箇箇是金
粟再來不妨撫治邦家又安宗社孝以事親忠以事
君慈以御下惠以濟物全理全事無是無非所以道
知幻卽離不假方便離幻卽覺亦無漸次雖然如是
紫芝山頂卽不問你平政橋邊道將一句來衆下語
畢師乃云一回及第心空後方信橋流水不流昔有

僧問智門禪師蓮華未出水時如何門云蓮華僧云
出水後如何門云荷葉大衆智門與麼答話固是截
斷衆流仔細檢點將來猶有依傍在今日或有問山
僧蓮華未出水時如何但向他道開元石烏龜出水
後如何但向他道揚州朱頂鶴更有一偈三十季前
到水西樓臺幻出與天齊如今擊目蓬蒿遍誰復區
區被幻迷

通都橋首張魁軒居士等請上堂僧問是法住法位
世間相常住請問和尚如何是常住相師云山圍故
國周遭在水打空城寂寞回進云祇如衆居士肅潔

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

皇朝臣民錄

三

猊座懇勤請法畢竟將何指示師云城東打鼓城西
響進云恁麼則道不虛行遇緣即應師云園內華開
園外春問諸檀為法念頭堅冒雨衝風設供筵坐佛
頂顛姑緩問途中受用請師宣師云紫芝峯上浪滔
天進云從來慣吸西江水今日平吞建地雲師云孔
子原是山東人進云允矣人天調御者果然無處不
稱尊師云霧霽秋雨連宵下洗盡塵氛道眼開僧禮
拜師乃云若論此事便如建通都橋一般第一要橋
木堅牢第二要橋梁平正第三要橋屋完備三者既
全萬無一失任他怒浪驚濤衝突不動千妖百怪搖

撼無門度馬度人永無沉溺之患我輩學道亦然先
以三聚淨戒為橋木次以那伽大定為橋梁夏以般
若妙智為橋屋果能具此三種則茫茫苦海一任往
來隨順世緣了無罣礙可以回既倒之狂瀾可以援
己溺之黎庶可以陰翊王化可以普度迷流雖然可
中有箇漢子常狂他鄉不離本地且道還假橋梁舟
渡也無長空今古月輪孤復舉龐居士偈云先須持
五戒方始得人身有財將布施身即不窮貧若行十
善業聞道得天人天人生滅福來去如車輪有為接
梵世不及一毫真夏欲談玄妙只恐法王噴大眾還

支那

皇朝臣民錄

三

識一毫眞麼分明爲諸公點破拈拄杖云城外青山
如屋裏東家流水入西隣

到龍德檀越盧參華等請上堂問師子之兒未能返
擲報恩一句乞師拈出師云鶴飛千尺雪龍起一潭
水進云可謂身心奉塵刹艸木亦霑恩師云白雲乍
可離青嶂明月難教下碧天進云恁麼則無行而不
與縱奪在臨時師云山盡疑無路溪迴別有村乃云
父少而子老舉世所不信諸人還信得及麼若信得
及銀盃盛雪明月藏鷺其或未諧山僧直下爲諸人
點破乃以如意向空中畫十更有一偈延汀虔吉干

餘里繞道來考法嗣豈是師資情未割祇緣慧命
寄懸絲下座

古雪岳禪師語錄卷八

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

古雪喆禪師語錄卷九

十一

古雪喆禪師語錄卷九

嗣法門人傳我等編

住建州佛頂寺語錄

據室三藏十二部拈過一邊千七百葛藤來之高閣
若是伶俐衲僧到此便知下落卓拄杖一下

當日衆請開堂

師至座前拈疏云請轉法輪是王臣事玉振金聲毫
端已露儻或未見未知便請維那宣讀讀畢師指法
座云此座高廣無人能上欲破天荒何須固讓便陞
拈香祝

支那

古雪喆禪師語錄卷九

十一

聖畢次拈香云此一瓣香手捏不飛斧斫不開陸沈
萬指叢中了無依徬吐氣千峯頂上自有知音次第
三回拈出專申供養

寧波府天童寺上密下雲先大和尚用酬法乳之恩
斂衣就座上首白椎云法蓮龍象衆當觀第一義僧
問結蓋香雲彌佛頂湧天法雨出龜洋二十季前有
此語今朝得見法中王請問如何是法王法師云螺
髻峯頭著眼看進云恁麼則一毫頭上金星現點出
真燈焰九州師云如何是真燈進云且喜了祖今重
出頓使茲山破寂寥師云依稀越國彷彿揚州僧禮

拜師乃云未出黃巖已到佛頂未陞法座已露玄機
便如是見得則不離本際可以遊化十方不動干戈
可以澄清海宇不居廟廊可以贊襄王化不假爐鞴
可以陶鑄聖凡到者裏是句亦剝非句亦剝如擊石
火似閃電光不容擬議尋思祇貴單刀直入且道入
後如何施設拈拄杖橫膝上云橫按鎊錘全正令太
平寰宇斬癡頑復起身叙謝云山僧林中散木爨底
焦桐忝爲太祖末孫未能媲美芳躅茲承護法檀越
暨衆耆舊不忿悲願互作主賓再四相招命主此席
溪慚蟲負不足光揚記得一則現成公案不妨對衆

商量昔三聖禪師上堂云我逢人卽出出則不爲人
興化禪師上堂云我逢人卽不出出則便爲人大衆
二大老舉揚臨濟綱宗可謂透頂透底譬如善舞太
阿收放自在且道佛頂又作麼生拈拂云無鬚鎖子
兩頭搖復有一偈舉似大衆百里藍輿赴遠迎寸心
豈是釣虛名欲恢祖道酬高厚願見黃河百度清上
首白椎云諦觀法王法法王法如是下座
玉溪居士丘石廬等預慶師誕請上堂僧問老僧入
夢誕高陽才出母胎童不嘗四十四季前底事請師
爲衆廣敷揚師云空華休覓蒂乃云百季三萬六千

朝修短窮通等朝露欲知無量壽世尊恰好今季四
十四

師誕日掃碧天太祖塔兼祀開山無了禪師像上堂
僧問佛本不生和尚今朝露面塔原無縫師翁此日
放光爲是示眞實相爲是開方便門師云白萍紅蓼
對秋江進云恁麼則一聲因地無餘事祖德宗功悉
已酬師云哮吼還他師子兒乃云東建西甌三梵刹
龍山佛頂與黃巖摩霄窣堵分三處須信眞人骨不
凡大衆昔世尊涅槃舍利靈骨亦分塔三處一在龍
宮一在天上一在人間先祖乘悲願力示生末運中

歲出家實有佛祖行履故化去二十餘季雖日換星移而三處靈塔宛然無恙且道祖翁修何行業依正二報得如是殊勝莊嚴拈拂云松因露頂季季翠竹爲無心節節高昔無了禪師參馬祖得法初隱此山繼住泉州龜洋示寂後經二十載靈塔爲山泉淹沒門人啓塔見全身浮於水面閩王聞之迎入府庭供養忽臭氣遠聞王焚香祝曰可還龜洋舊址建塔言訖異香普薰傾城瞻禮大衆大善知識隨處稱尊生歿去來猶如昨夢因甚無了禪師不住府庭要還舊址一僧云樹高千丈葉落歸根師便下座

初祖諱日兼謝張檀越上堂二十季前山僧爲檀越參禪檀越爲山僧建寺二十季後山僧爲檀越住寺檀越爲山僧參禪大衆住寺建寺各乘夙願互作主賓如西天之須達東土之蕭梁曹谿之陳亞仙雪峯之藍長者自古迄今共見共委祇如參禪一事雖父子至親不能相代何故說檀越爲山僧參禪喝一喝云你若無心我也休復舉初祖示寂建塔熊耳後三季魏使宋雲自西域回見祖於慈嶺手携隻履翩翩獨逝乃問祖何往祖曰西天去雲歸具說其事及門人啓棺惟革履一隻奉詔取遺履於少林供養大衆

久而復活屐履西歸古今盡作奇特話會錯過祖師
了也殊不知有生有歿有去有來盡是假形皆非眞
實諸人要見眞祖師麼下座同到案前拈香上供
開爐上堂僧問三條椽下鈍置聖賢七尺單頭沈埋
佛祖未審還許學人隨緣放曠任性逍遙也無師云
未到懸崖撒手時豈可隨緣虛度日進云恁麼則聚
會羣龍姑縮爪養成頭角待風雲師云直須拶透牢
關去莫待臨春點額回僧禮拜師乃云大佛頂上豈
假爐鞴鉗錘黑漆桶中必須開示悟入開口便棒豈
不是開示入門便喝豈不是開示乃至猿唬霜月華

發寒枝豈不是開示諸人還悟得麼還入得麼若向
者裏悟得入得火燄日日爲三世諸佛說法脫或未
然爐邊受冷人無數賣卻心肝始得閒昔地藏琛禪
師因僧參乃問諸方佛法近日如何僧云浩浩地商
量藏云諸方浩浩地商量爭如我者裏種田博飯喫
大衆地藏老漢固是本色家風爭奈效尤者眾佛頂
郎不然諸方種田博飯喫爭如我者裏浩浩地商量
且道作麼生商量欲破浮生千劫夢且跌深夜一爐
香

持平者宿請上堂空中寶塔尙爲法來諸人云何不

勤爲法大衆勤卽且置如何是法拈拄杖卓三下復
舉亮座主參馬祖祖問見說座主大講得經論是不
亮曰不敢祖曰將甚麼講亮曰將心講祖曰心如工
伎兒意如和伎者爭解講得亮抗聲曰心旣講不得
虛空莫講得麼祖曰卻是虛空講得亮不肯佞出將
下階祖召云座主亮回首祖曰是甚麼亮豁然大悟
師云虛空無口爲甚卻講得經大衆試說說看衆下
語畢師乃云聲前歷歷無私句句忌時人亂度量
開普同塔基上堂林間無數土饅頭盡是當季學道
流道眼已知空泡沫遺骸未免葬荒丘大衆葬了傻

休因甚又要建塔卓拄杖云普收同一處坐斲百千
差復舉忠國師以化緣將畢乃辭代宗皇帝帝問師
滅度後弟子將何所記國師云告檀越造取一所無
縫塔帝曰就師請取塔樣國師良久曰會麼帝曰不
會大衆國師好所塔樣祇是無人解觀今日或有人
問無縫塔樣卽且置如何是普同塔樣佛頂但向他
道普請開基去

定兩序革單銀黃巖悅監寺請上堂僧問當家種艸
由來別解向毘盧頂上行吾師若有親分付請對人
天大衆陳師云且滿三季願再扣萬重關進云一句

了然超百億大家穩坐喫餒頭師云易開終始口難
保歲寒心乃云一舊一新一進一退賓主交參東西
易位要整法門紀綱直須革盡積弊若是爭單銀爲
施利不異假衣賊人果然圖悟道了死生堪入師子
羣隊所以道物以羣分方以類聚正與麼時恁驅爲
法一句作麼生道祇奉一人天地貴從他諸道自分
權要有一偈深慚暗昧乏兼才兩處叢林僉主裁珍
重股肱休惰怠調羹端的貴鹽梅

除夕上堂春砌墓夏開池秋間登佛頂節外又生枝
改門路定風規不運石僂挑泥終歲忙忙營世諦何
曾閒坐話無爲大眾且道如何是無爲喫齋分歲了
向火咏新詩

元旦上堂僧問舊臘已盡新春未回祇如今日若何
安頤師云庭前古栢季季翠進云當機一句無私語
不動干戈定太平師云龔人爭得聞乃云陳季舊債
尚未全還斬新葛藤又從頭起箇中有一句不涉新
陳了無變易諸人若能知得便可頓空舊債截斷葛
藤且道是那一句拈拄杖云燈籠吞卻庭前柱卓拄
杖下座

立春日大悟堂小參舊歲忙了一冬新春豈可空過

大家打起精神坐參七日莫臥豁然大悟一番百結
疑團頓破且道頓破後如何師姑原是女人做
解制兼爲開山中興兩祖像開光上堂僧問如何是
解制底句師云出門休動步家舍莫停畱進云如何
是涅槃心師云十字街頭石敢當進云如何是差別
智師云東西南北門相對乃云聞所聞而來見所見
而去東方來底東方去西方來底西方去南方來底
南方去北方來底北方去大衆且道龜洋祖師與碧
天和尙從何處來若知得者兩箇老漢來處則斜間
白毫大光普照便可與歷代祖師重開生面其或未

然相逢不飲空歸去洞口桃華也笑人

涅槃上堂二月中春節崖華在處開瞿曇伎倆盡依
舊入輪迴喝一喝下座復問衆云佛已成道爲甚又
入輪迴維那云憐兒不惜兩莖斜師打一棒歸方丈
爲靈宗化士對靈小參八千里外慕道趨風十五季
來爲衆行乞大願雖未完大行己無敵胡爲彼上蒼
遽喪我良弼靈宗靈宗王侯將相悉傾心丈六金身
何難畢五羊城裏旣知歸快須究取眞消息靈宗要
知眞消息麼杜鵑啼處百華新九九原來八十一擊
拂一下

挺然自暉覺源衆者舊請上堂僧問佛頂至高誰人能到師云春日自暉空問翠巖佛法大師子吼佛頂宗風如何舉揚師云雲有出山勢進云殺人刀活人劍如何是殺活底意旨師云前三三後三三乃云竹邊筍稚漸露鋒鉢園裏茶芽旗鎗競展乃至岸柳含煙庭華笑日一一呈淨妙法身頭頭示西來大意因甚南泉斬卻貓兒大衆試道看衆下語畢師卓拄杖云百華落盡嗚無盡更向亂峯淡處曉

極華兩禪人薦本師朗然請上堂賣被單以求法薦師棄庵舍而千里行腳受勞受怨而輔弼叢林廢寢廢餐而究明向上一著子孫長能若此師親一定超脫雖然一人食時難令衆飽縱有孝子賢孫不能相代何況章水閩山灰生異處談玄說妙他又不聞豎拂拈椎他又不見作麼生說箇追薦底道理還知麼一念頓空塵界殞無處無時不朗然

興福寺請上堂僧問爲法忘軀如何得法師云鳥嗚華落處雲散月明時進云得法之時如何益衆師云毒鼓當軒擊進云益衆之時何處圓滿師云寶劍劈頭揮乃云諸佛出世補網張風祖師西來泥裏洗土古今善知識全提半提千說萬說總是種空華撈水

月所以道德山棒臨濟喝猶國家之兵器豈得已而用之何故蓋爲諸人各各具有一段大事因緣淨如秋月寬若太虛五欲塵埃染他不得毘嵐猛風吹他不動本無迷悟豈有聖凡大衆既然如是因甚有苦有樂有貴有賤有壽有天有智有愚到者裏直須知有始得山僧方外行腳二十餘季別無所得也祇知有者一段大事因緣今日挺然諸公迎至興福無非爲舉揚此一段大事因緣現前大衆若能知有者一段大事因緣始可隨機赴感不動些毫與諸衆生作不請友可以興無邊之福可以示無盡之慧正怎麼

時如何是知有的句拈拂云曲徑通幽處禪房深淡復有一偈金碧輝煌已四朝堂前毒鼓未聞敲斬新舉起滹沱令應見門風轉高

淳淨兩禪人請上堂僧問廣額屠兒性太寧朝朝宰殺度生平何爲放下剛刀日立地能知佛一尊師云惡人偏作大進云生佛由來無二相只須當下解翻身師云南山石虎因甚齧殺大蟲進云昨日晴今日雨師云未解翻身在僧禮拜師乃云修羅嗔諸天樂纏縛無由得解脫整心慮趣菩提一念回機月滿溪大眾且道菩提作麼生趣向擊拂云截斷是非關秤

鍾浮水上

立秋日上堂若論此事便如今日立秋一般金風纔扇溽暑潛消一葉飄空千林漸稿祇見鴈聲嘹唳遠從塞北而來燕子呢喃卻自空巢而去我輩學道亦然道風纔扇煩惱頓消一念既空千機自息視三界猶燕壘觀五陰若浮雲出沒無心去來自在所以道秋風涼秋夜長未歸客思故鄉現前大眾不是琉球日本箇箇常在故鄉不必思量得雖然鄉中有箇無鼻孔的漢子還會看見也未若也親見一面便可永超生灰普利人天其或未然寒暑密移人易老髮鬚

漸白世難留

圓普同塔上堂入省檀越施財五湖龍象施力經營未及暮季雲裏浮圖幻出枯骨既已沾恩勞生更須委悉且道委悉箇什麼死死生生何日了富羅積骨未爲高豎拂云當陽見得無生法曠劫輪迴當下超復舉教中道建塔有二種意一表人勝二令他敬三爲報恩若凡夫比丘有德望者亦當建塔餘者不合大眾且道佛頂建普同塔是爲凡夫耶爲聖人耶拈拄杖云幾多羅漢騰空去古洞依前覆白雲

受洪都縉紳耆舊請再住翠巖上堂千里馳書七度

迎三季絡繹未嘗停開盤己自無心入爭奈毘嵐入
面生大衆且道毘嵐大起還有吹不動者麼自云有
那箇是吹不動底拈拄杖云三日後看取

授佛頂觀長老衣上堂衣以表信且道釋迦老子衣
自何來法乃傳心祇如威音王佛法從誰得者裏見
得始是出格英靈信者與他三十棒不信者也與他
三十棒試問大衆不信者三十棒理所當行因甚己
信者亦與他三十棒還知麼無授愛中親授愛還他
眼目人天人

靖藩韶武殿下請至廣州光孝上堂師陞座拈香祝

聖畢乃云戒壇已應千季識道樹常榮萬古春今日
王臣敷寶座是誰解共慶真人還有共相建立底麼
試出來酬唱看衆默然師乃豎如意云千聖百王師
祇此真如意壽量等太虛豈止千百億還會麼菩提
樹上覺華開須是難兄與難弟所以道兄弟漆十字
同心著一儀大衆且道如何是同心底句放下如意
云燈籠入露柱復云自古聖帝明王無不歸心佛乘
欽崇祖道今日韶武殿下誕日特設伊蒲敦請山僧
於光孝古寺舉揚大法上報四恩山僧溪慚行解荒
蕪不免聊舉古德公案以赴來機昔台州光孝德光

禪師因宋孝宗皇帝欽詔入內觀堂賜座請問云朕心與佛心是同是別光云直下無第二人帝云如是則佛卽是心心卽是佛光云成一切相卽心離一切相卽佛帝大悅賜號佛照禪師大眾還知佛照直指孝宗大意麼拈如意云四海共遵王化遠千秋常慶德星高

靖南王母如幻李夫人請上堂僧問菩提樹下轉大法輪華誕千秋請師慶祝師云靈椿初毓秀丹桂正飄馨進云今日靖藩太夫人隨類教化畢竟如何得頓成佛去師云菩提樹老葉常春進云彈指頓超無

垢界永證金剛不壞身師云欄杆頭上石師子僧禮拜師乃云三千季一實之桃是王母家常受用底不煩他獻玄圭白璧淨潔無瑕是王母本自具足底不假他呈八千歲爲春八千歲爲秋之大椿是王母久已培植底不勞他覓然則受王母之請陞光孝之座畢竟將何慶祝記得昔季在太白峯前塋墜堆裏拾得一顆鎮海明珠光輝赫奕久蘊囊中今日四眾臨筵不免當陽拈出非特爲王母祝無量之壽延無量之祥且使五羊城裏若男若女若俗若僧箇箇知有祖師西來大意遂豎如意云見麼海神知貴不知價

雷與人間光照夜下座

平藩下劉章京請上堂僧問離卻向上機請師直指
休歇處師云鎮海明珠常燦爛進云恁麼則搖頭擺
尾去也師云滔天白浪實難衝僧禮拜師乃云紅塵
堆裏建精藍鐘鼓笙歌共指南解向聲前明祖意賢
子須達是同參大眾昔須達多從菩薩位現居士身
爲供佛故向舍衛城中布金贖園正區畫時六天宮
殿一時俱現今日新菴劉公嘗於五羊城裏造像建
剎安養眾僧直欲頓悟本來不冀天人福報茲以佛
誕日偕叔侄兄弟及諸同袍揮金設供敦請山僧登

臨此座舉唱宗乘大眾且道向上宗乘中還著得語
言文字也無還著得思量分別也無還著得見聞覺
知也無既皆著不得且作麼生舉唱喝一喝云若向
者裏明得則萬井笙歌咸揚妙諦塵沙國土常誕佛
身移西竺於東方變炎邦爲淨土所以香至王子達
磨尊者明得者一著子遂於大梁普通七季庚子特
特航海梯山而來傳佛心印山僧亦以大清庚子來
至仙城接佛聖像大眾且道接佛像與傳佛心是同
是別若道是別仙城原在粵東若道是同山僧不是
達磨正恁麼時心像同別姑置勿論且道佛既降生

現任何處拈拂子云弟兄叔侄同肝膽扶豎宗風播
五羊復有一偈舉似大眾後先庚子到仙城接佛傳
心事不輕信得此心原是佛鐵舟何處不縱橫

靖藩下會副戎請上堂僧問五羊城外龜峯寺千古
名藍此日新幸值宰官同請法願垂一語度羣生師
云熏風吹四野艸樹綠陰陰進云可謂於一毛端現
寶王刹坐微塵裏轉大法輪師云最是荷華盛香飄
滿穗城進云昔日賢于插艸今朝曾公建寺未審是
同是別師云兩彩一賽進云古今一貫千聖同途師
云亦有不同處進云西禪請師說法且喜入門未審

和尚如何相待師云當頭棒子不輕拈進云千峯勢
到嶽邊止萬派聲歸海上消師云念得甚好僧禮拜
師乃云有眞實行始可福利人天具殺活機方能權
衡佛祖是故宗門下事卷舒操縱一切臨時有時掃
蕩則人境俱奪凡聖雙亾直得三世諸佛歷代祖師
齊立下風有時建立則禪律並行主賓互換任他斷
輒碎瓦艸木叢林同放寶光所以道欲知佛法當觀
時節因緣時節若至其理自彰正恁麼時且道掃蕩
是建立是還會麼西郊金碧重輝處東粵宗風再振
時復云昨德宇曾公請啓中道西禪古刹東粵名藍

9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

雖戒行精嚴賴住持以立教而玄風精峻須臨濟以開宗大衆建刹布金爲弘宗教可謂功不浪施苟非乘大願輪焉能豎茲偉績山僧今日忝承嚴命猊座高陞不免舉則陳爛葛藤與大衆商量昔大宋曾學士嘗參雪竇禪師請問參禪旨要竇彈指一下云便向者裏領畧得多少直捷儻向文字中尋求白雲萬里學士於言下大悟大衆跨千里烏騅須有拔山之力擊當軒毒鼓應帶返魂之香卓拄杖云翠巖今日直捷指示還有當下領畧者麼復卓拄杖一下喝一喝

靖藩下馮滕李郭衆宰官請上堂僧問擊鼓陞堂卽不問因齋慶讚事如何師云續紛華雨正霽霏進云恁麼則法施財施等無差別師云打麴還他州土麥進云祇如臨濟大師道大凡演唱宗乘一句語須具三玄門一玄門須具三要請問和尚如何是一句語具三玄師云五月荔枝鮮進云如何是一玄門具三要師云狀元紅最妙進云如何是第一玄師云簇錦攢華拄樹顛進云如何是第二玄師云皮核俱拋味自全進云如何是第三玄師云善買何須用半錢進云如何是第一要師云還記得三玄句子麼進云和

尙答過了也師云是何意旨僧擬議師打云三玄三要
甚是甚閒家具問熏風鳴殿角法雨已均滋向上全
提句祈師決衆疑師云瑪瑙盤中珠宛轉進云恁麼
則山河及大地全露法王身也師云瑠璃殿上月徘徊
僧禮拜師乃云浩浩塵中先須辦主識得眞主始
可報不報之恩行難行之事非特枯業海蕩罪山且
將八萬四千煩惱海翻爲諸佛清淨慧海八萬四千
塵勞門轉爲諸佛大解脫門所以道塵勞之儔爲如
來種然雖如是銅沙鑪裏滿盛油卽不問你芥子吸
乾滄海水時如何豎如意云六榕寶塔高峩峩

天童先和尚諱日靖藩下何參戎請上堂師陞座拈
香云此一瓣香兩朝帝主欽崇萬國兒孫並震打佛
打魔一棒本絕去來從天降下五羊迥超色相爇向
爐中專申供養

天童堂上上密下雲先大和尚用酬法乳之恩斂衣
就座上首白椎竟僧問護國雷音遍界聞傾誠豈啻
兩將軍欲酬罔極無如法安得迷雲作法雲師云慣
將如意子擊碎太虛空進云未審何門金氏聞法之
後當生何處師云本來無相貌隨處任縱橫僧禮拜
師乃云斲菴血以保親季郤勝割股求般若以酬罔

極先須賣心賣卻心肝般若自現般若既現則十方
虛空一時消殞本來父母觸處全彰所以道如我心
空諸法空千品萬類悉皆同雖然有一人不求般若
亦無心肝可賣且道此人居何國土還見麼一機投
密室萬古憶天童昔天童先師因居士問弟子持咒
念佛可了得生歿不先師云了不得士云作麼生始
了得生歿先師打云向者裏會得方了得生歿士云
和尚還有生歿不先師云你若有時我也有你若無
時我亦無人衆生歿大事各宜自悟自了何故道你
有我亦有你無我亦無還知先師爲人處麼豎如意

云五羊兩浙七千里護國天台不隔絲

中元日平藩下楊守情請上堂妙淨明心本無迷悟
凡情未盡仍假證修所以玄沙築破指頭父生天界
目連親證羅漢母脫輪迴是知情均天倫應之則疾
法無疎戚感之在人果能一念回機親見本來面目
則盡十方界情與無情一時成佛豈有父母宗親不
得解脫雖然懷州牛喫禾因甚益州馬腹脹你若會
得不妨高超三界其或未諳莫道地官會赦罪臺前
業鏡不饒人

迎佛還山謝兩藩及眾宰官上堂佛身曠劫已圓成

豈待磋磨始見精今日紫金光燦爛方知護法有同心
大衆現前列位護法自心本來是佛與佛無二且
曾承佛授記現王臣身故能發廣大心造廣大像居
廣大位植廣大福福慧既足將來依正二報莊嚴亦
與佛無二所以道佛身者卽法身也從無量功德智
慧生從六波羅蜜生從慈悲喜捨生大衆卽今佛身
己生莊嚴己畢且道千里歸舟憑誰發棹還會麼四
海龍王同送佛秋淡猶見雨傾盆復云山僧人微德
薄願重力綿項荷 兩藩及闔省宰官同心合德捐
俸開爐一火鑄成丈六金身復蒙王舟遠送台旂俯

臨今當起程之際不免上舉佛語少荅滄埃昔世尊
在靈山會上告梵王帝釋云世間有人能於我法未
滅盡時造佛像者當來於彌勒佛初會說法卽得解
脫當知造佛聖像爲三十二相之因大衆世尊言無
虛妄當生敬信據此則現前僧俗男女凡有爲佛施
財施力乃至化者鑄者磨者補者迎者送者種種飲
食華香供養者將來皆得親證三十二相之果然雖
如是山僧旣無財可捨又無力能施僅於丙申春爲
靈宗化主題得一疏且道將來得何果報披毛遊火
聚戴角混塵泥

平藩下都綱司實宗活源迎至永泰寺弘戒請上堂
新舊兩都綱遼陽萬里至旣登毘尼壇共豎大法幟
夏有諸同袍同心復同志揮金設伊蒲請說第一義
第一義絕囊藏城上宣揚有畫角枝頭漏洩是桄榔
旣然如此焉用列祖出興還會麼不因風撼庭前樹
爭見山華滿院香昔世尊云吾今來此世界八千返
爲此地上凡夫癡闇之人說我本盧舍那心地中初
發心中常所誦一戒光明金剛寶戒是一切佛本源
大衆光明金剛寶戒是爲癡闇人說忽遇不癡不闇
靈利個儻底來如何相接寸絲俱脫落痛與四藤條

下座

賈總臺設齋請上堂虎頭城外蓮華國到來龍象同
休歇狂心歇處卽菩提笑看一華開五葉葉底常敷
無量光光中晝夜爲宣揚且道宣揚箇什麼炎炎火
宅諸男女盡是蓮邦大法王大衆旣是蓮邦法王則
舉足動步無非極樂山林城郭總是西方因甚教中
又道三界無安猶如火宅衆苦克滿甚可怖畏蓋爲
狂心未歇智眼未開不免爲欲火之所燒逼是故勞
他黃面長者屈曲垂慈誘以三車方得出離火宅露
地而坐大衆若據衲僧門下直饒露地而坐正好喫

棒棒下薦得始得脫灑自由去住無礙然後回途火宅打鎖敲枷進而致君澤民文武俱備退而修功立德易俗移風旨令嗟喋嗥吠之流一一變作金毛哮吼所以昨來賈總臺請啓中道搏空師下寒艸綠而百獸潛蹤愛日象行霜葉紅而羣狐遯影大眾卽今狐兔已潛蹤了也且道搏空師子在甚麼處喝一喝復舉教中道若有善男子善女人初日分以恒河沙等身布施中日分復以恒河沙等身布施後日分亦以恒河沙等身布施如是百千萬億劫以身布施若復有人聞此經典信心不逆其福勝彼大眾求福不

回詩稱愷悌君子博施濟眾夫子尊爲聖人因甚億劫捨身不如聞經生信諸人還識此經麼其或未知不免重重指註拈拂云白者非紙黑非墨語言文字咸超越北俱盧洲馬喫鞭南瞻部洲牛出血卓拄杖下座

黃都閻請上堂國有定亂劒四海晏清家無白澤圖千妖絕跡直得凡聖情解毫髮不留迷悟牢關一摧粉碎方有少分相應所以道大丈夫秉慧劒般若鋒兮金剛燄非但能摧外道心早會落卻天魔膽豎拂云卽今慧劒高提誰是當鋒者眾屏息師云若無樂

布作爭得見韓光復舉黃山谷太史參晦堂禪師請問佛法大意堂云夫子道吾無隱乎爾那裏是夫子無隱處黃屢呈語不契疑悶久之一日隨堂山行次值木樛華開堂云學士還聞麼黃云聞堂云吾無隱乎爾太史直下頓悟大衆晦堂老人向頂門上痛下針錐黃太史於百艸頭邊罷卻戈戟諸人還識伊針芥相投處麼拈拂云萬物自有功當言用及處者廡劉居士偕男彛修文學請上堂若論此事譬如良醫治病一般若是扁鵲者婆標本自知緩急一望顏色再切脈理細詳受病之淺深次擇良方之可不

然後應病與藥無有不瘥者斷不肯以死方頭菓子藥賺誤人家男女諸人還知麼三藏十二部是死方頭千七百公案是死方頭五家宗旨是死方頭你若不諳機宜不辨時節縱饒說得玄之又玄妙之又妙將五家宗旨從上公案穿鑿殆盡總成毒藥反添學者知解之病所以道妙義玄言春細雨莫教汚我本來心若是本色宗師信手拈來無非是藥斷不肯以死法繫綴人有時建立有時掃蕩放行把住一切臨時所以道師名醫王行正今能與衆生治心病大衆且道心病作麼生治拈拂云爛研巴豆三千顆瀉卻

9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

諸方五味禪昔晦庵朱夫子嘗參開會謙禪師淡究
祖道一日述偈云齋居獨無事聊披釋氏書暫息塵
累牽超然與道俱門掩竹林密禽鳴山雨餘了此無
爲法身心同晏如大衆且道如何是無爲法拈拄杖
云詩成五字三冬雪筆落分毫四海雲

佛成道日常山胡宮保偕太夫人宋氏請上堂僧問
明星一覩歎奇哉劫外曇華雪嶠開宮保請陞師子
座祈師直指活如來師云優鉢羅華欲裏開進云恁
麼則頭頭盡露瞿曇面大地山河絕點埃師云說食
終不飽進云祇如宮保設供請法獲何功德師云山

愈高兮海愈淡進云可謂不忘靈山記共撫沒絃琴
師云一語定乾坤問未離兜率已降皇宮未出母胎
度人已畢因甚夜覩明星方成佛道師云憐兒不覺
醜進云祇如舉一不得舉二放過一著落在第二和
尚今日如何舉揚師云燈籠沿壁上峩脊進云可謂
隨緣赴感靡不周而常處此菩提座師云如何是菩
提座進云東西十萬南北八千師云未枉乃云大悟
得大機大機方可成大事大人具大智大智乃能明
大用所以大機之用石火難追大用之機電光莫及
薦得此機則無機不透明得此用則無用不該可以

掃蕩天魔可以剪除禍亂可以安邦鎮國可以入聖
超凡不假苦行六季頓證如來德相正恁麼時且道
如來德相在甚麼處豎拂子云一點明星輝寶蓋萬
家生佛鎮虔南

送佛還山香城上藍諸刹請上堂西堂問昔日世尊
升天爲母說法旃檀瑞像迎歸今日和尚入闈報親
粵王金像同出兩彩一賽節且置千佛同源是若何
師云雙溪水捧山孟獻萬壑松敲鐘鼓迎進云一刹
那際入正受互參三世妙難思師云且得闍黎共證
明進云祇如護法耆舊七請和尚始肯回山如何是

轉功就位底句師云一身俱是病百念總寒灰進云
大冶規模鎔盡後瓶盤釵釧總成金如何是轉位就
功師云戴角披毛行異類牽犁把已多季進云白
玉毫難藏瓦礫紫金光豈掩蓬蒿如何是功位俱隱
師云綠樹啼黃鳥青松擁翠嵐進云千岌雲山俱坐
斷寒綃蒙首涕慵收如何是功位俱顯師云五季再
到洪崖寺一路人皆訝老僧進云萬本蒼松俱合抱
一天華雨正繽紛師云爭奈胡孫騎鱉背進云祇如
十六王子請佛大轉法輪未審法輪如何轉師云今
日正陞座堂禮拜云萬古宗風今再振手季模範喜

常新師云歸位著乃云本來無住著萬里長空騰野
鶴隨處任縱橫一波不動碧潭清是故衲僧家有時
碧潭止水有時野鶴孤雲有時故展閭浮有時珍重
陽燄去來動靜無非爲人風雨雷霆悉皆成物正恁
麼時去來無礙卽且置作麼生是不涉去來底句豎
拄杖云昨來風雨度章江今日寶華仍再據叙謝不
錄復舉世尊道吾今來此世界八千返爲此娑婆世
界坐金剛華光王座大衆釋迦老子大似爲他閒事
長無明來來去去有甚麼了期檢點將來好與三十
痛棒然雖如是知恩者少負恩者多更有一偈七請

再來原爲佛三丕家舍在途中如今佛已還家舍截

斷千差振祖風

爲歲西堂對靈小參雪崖公雪崖公二度迂我我不
來及至我來你又去人雖去矣言猶在耳不逐除夕
去不隨元旦來覲面無人識頭白一嬰孩者箇是你
昔季所呈底法身句子誰家沒有佛一掌解攔腮月
落虎城畔翛然歸去來者箇是你臨末梢頭得力底
句子祇此一偈一機已足千古萬古豈待豎拂拈匙
始是光揚列祖雖然如是更有箇末後句今日不免
爲你點破卓拄杖云杜宇聲聲嗥未休盡是斬貓親

每見日落西山便垂泣云我今日工夫不得力光陰
又虛度了爭奈何是故縣梁刺股繼晷然膏晝三夜
三時刻無間直至啐地折曝地斷方始罷參何況一
季又虛度了己事未明痛哭流涕不徹又豈有工夫
戲笑雜談耶大抵參學人先要題目認得清題目若
認不清纔有纖毫不耐煩便要告假纔有些些病痛
便生怨嗟此無他只爲視叢林猶驛館行苦行若當
官竟不思自己行門非倚衆莫能成就若認得題目
清拌身拌命入泥入水俱不辭勞祇如山僧自進院
已來每日劫劫波波灑掃寮舍修葺殿宇毋論淨穢

一以身先也祇爲題目認得清所以不惜勞苦不避
忌諱盡心盡力行向前去如今有底便謂某人祇是
好出頭便受許多累我們又不思量做人討者許多
累作麼大衆者般底喚作障蔽魔王自不能行反障
他人你看釋迦老子因地中爲我等故舍身舍命經
無窮劫無有疲狀難道也是好出頭耶殊不知爲人
如爲己身彼此事辦項承諸公棄菴舍捐鉢資撥絲
尤忘位貌光贊祖庭助揚法化遂使紀綱頓整內外
一如誠可謂千載一時久參宿學各自知時不假出
僧饒舌後進初機也須猛著精彩究到徹頭徹尾始

得先聖道居則曰不吾知也如或知爾則何以哉尋常懶惰不肯操履便說我不思量做人一朝業緣既至被人推出祇恐無回避處若說我當時也會見作家來爭奈觸事面牆若道我當時不會見作家又成妄語若道我當時親知識祇爲本分事那裏打帳做人難道做人又是分外事恁麼又話成兩橛衆兄弟人身難得佛法難聞知識難遭怖心難發倘能居安思危生大怖畏念生灰苦發菩提心既遇知識忘軀炙侍既聞佛法知者篤行之不知者審問之庶不虛度此身如今人多是臨渴掘井忙時抱佛腳病苦臨

身煎逼不過求生不得生求死不得死到此方來問做工夫了生灰事癡人如今要做世間功名也須芸牕下篝燈十餘季苦工纔得成就何況要學無上菩提之道了脫曠大劫來生老病死等苦豈是容易底事所以道欲隆佛種須紹門風諦審先宗是何標格昔文悅禪師親近翠巖芝老纔入室求開示芝云法輪未轉食輪先轉後生家趣色力康健且爲衆持鉢去悅領疏遂去化米歸來又求開示芝云天寒且爲衆化炭佛法不怕爛卻悅又化炭歸白芝云某甲已事未明乞和尚慈悲指示芝云堂司乏人你且爲我

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

料理悅恨不去心若是如今禪和子早已卷包跑路了也他卻不然祇是自恨自疑自鞭自逼一日坐後架上桶籬爆斷忽然大悟山僧昔住白法時有西山懷古十首中有懷悅公一首云乞米乞炭任堂司爲法忘軀敢固辭痛恨自心疑未瞥桶籬忽散展雙趺大衆且道悅公見箇甚麼道理便悟去芝老旣是大善知識因甚不教人看話頭做工夫三回四轉祇教人化米化炭作職事且道還有指示無指示若道無指示悅公爲甚便悟去若道有指示則三家邨裏負販漁樵皆會佛法又用祖師西來知識出世作麼者

裏孰別得出方識芝老用處如善射人箭不虛發翠巖今日承諸山種種護念不化米而米至不化炭而炭來職事雖不齊箇箇皆是有德業者同心同德一切兼攝越此百事現成色力康健之際正好努力參努力學努力行苦行行門若足福緣自備學問若到習氣自銷融參到無可參處至理自通達至理旣達便與祖師無二無別且道祖師卽今在甚麼處時寒伏惟珍重

普說佛法無人說開口成雙楸雖慧不能了喫飯便知飽譬如暗中寶晝夜光皎皎無燈不能見開眼便

不薦大眾山僧與麼道且道是發明古人意耶違背
古人意耶若檢點得出始具參學眼其或未然不免
葛藤一上三世諸佛歷代祖師無非爲一大事因緣
故出現於世作世間燈是故釋迦老子纔出胞胎便
道天上天下唯我獨尊豈不是以一大事因緣示一
切人作世間燈後來有箇跛脚阿師說道我當時若
見一棒打殺與狗子喫卻貴圖天下太平豈不是以
一大事因緣示一切人作世間燈及至臨末梢頭對
人天衆前拈起金色波羅華獨飲光默契其機遂破
顏微笑豈不是以一大事因緣示一切人作世間燈

嗣後達摩大師特特航海梯山而來說道教外別傳
不立文字直指人心見性成佛向嵩山山下面壁九
季方於深雪堆中接得箇半臂神光豈不是以一大
事因緣示一切人作世間燈五傳至曹谿法徧支那
二枝五派萬別千差無非以一大事因緣示一切人
作世間燈是故臨濟喫黃檗三頓痛棒豁然大悟便
道元來佛法無多子後來建立許多間門破戶所謂
三玄三要四賓主四料揀等豈不是以一大事因緣
示一切人作世間燈曹洞親契寶鏡三昧於無中唱
出正偏五位三墮四禁金鍼玉綫敲唱雙行豈不是

以一大事因緣示一切人作世間燈瀉仰暗機圓合
體用互呈豈不是以一大事因緣示一切人作世間
燈雲門於睦州嶮崖之下拾得秦時轆轤鑽便道一
鑽破三關分明箭後路豈不是以一大事因緣示一
切人作世間燈法眼以三界唯心萬法唯識指示諸
人一大事因緣作世間燈乃至臨濟正宗的的相承
迄我天童老人於銅棺山頂徹悟此大事因緣便道
情與無情煥然等現後來說法二十餘季祇以一條
白棒示一切人作世間燈山僧旣承嗣天童因甚不
行棒行喝祇管打葛藤說道理不見道慈悲之故有

落艸之談然則世間燈相續不斷暗中寶鏡體現前
諸人還知落處麼若知得此寶落處便可傳從上佛
祖不傳之燈燈燈續燄常照世間永無有盡現前僧
俗不避風雨不惜劬勞遠來翠巖或求戒或求法或
隨喜或助揚無非爲一大事因緣莫非宿植德本故
獲遇茲勝會然此一大事因緣各各具足各各現成
祇因無始以來妄習深厚乍聞此事如風過樹頭是
故從迷至迷生歿相續所以釋迦老子道若諸世界
一切衆生其心不淫則不隨其生歿相續又道若諸
衆生其心不殺不盜不妄則不隨其生歿相續此四

種清淨明誨三世諸佛所共叮嚀若能遵依優超三途更能修定方超六欲更能修慧頓超三界大衆且道慧如何修你但二六時中放下一切善惡諸緣放下一切閒學閒解提起一句本參話頭如屑落眼中相似千方百計祇要出卻眼中屑更不思食思睡思財思欲一切人我是非無明煩惱不須排遣自然瓦解冰消忽然肩出眼光如故當此劫火之餘白骨徧野平日親朋法侶十無一存可見人命無常呼吸難保生歿二字僧俗貴賤皆所不免生歿事大無常迅速兩句現話豈可不知因甚不肯努力真參虛懷請

益大抵今時參禪不得力者總爲體面放不下生怕裝邨生怕落下風殊不知祇者護惜體面底心便是無量劫來生歿根本豈不見慈明冒難參汾陽經二季不許入室凡有所訓皆流俗鄙事一日進方丈白云自至法席已經二載念歲月飄忽時不待人有失出家之利語未竟陽拈棒連打明痛極失聲請救陽以手掩其口明豁然大悟乃云是知臨濟道出常情高峯參雪巖纔開口便痛棒打出天童先師周旋龍池老人左右二十餘季池唯加罵詈不假詞色若是如今瑠璃餅子禪生怕捱著纔相警策便道老凍膿

不識好惡輕我慢我我如此爲護叢林如此精誠求道博不得箇好詞色覓不得句好言語心憤憤口悱悱恨不插翅而去嗟夫醍醐上味爲世所珍遇斯等人翻成毒藥現前諸公皆是英靈倜儻漢子豈假山僧絮絮叨叨幸自鞭逼自揆揆不顧得失不顧危亾不護體面則生歿根本自斷大事因緣自明大事因緣既明則一切法卽是佛法又豈待開兩片皮掉三寸舌然後爲說佛法哉今晚因省愚禪人爲乃師園戒設茶山僧因茶普說因說示衆然則說已說了註已註了若作佛法會入地獄如箭射不作佛法會亦

入地獄如箭射離此二途轉得一機不妨來方丈通消息

普說五夏已前專精戒律無繩而自束五夏已後方許聽教參禪掘地覓青天正當不前不後時且道受戒是參禪是露利漢向者裏揆揆得入便見腳跟下有條通天大路千聖牢籠不住衆魔潛覷無門直下坐斷報化佛頭不落證修階級豈不見青原初參六祖便問當何所務卽不落階級祖云子曾作甚麼來云聖諦亦不爲祖云落何階級云聖諦尚不爲何階級之有祖漢器之衆兄弟青原旣知聖諦亦不爲又

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

用見祖師作麼不見道不經敏手終成廢器丹霞於途中遇禪者聞有選佛之說遂詣西江參馬祖纔相見便作整冠束帶勢祖云子緣不在此可往南嶽見石頭去霞便去見石頭依前作整冠束帶勢頭云著槽廠去若是如今學者便道堂頭不具眼我們選官底人如何作得槽廠裏事霞依教便去異日石頭云來日佛殿前剗艸一眾各備鋤鋤霞獨洗頭胡跪殿上頭便與鬚髮復云子莫要受戒麼霞便掩耳而出眾兄弟你道丹霞見甚麼道理便掩耳而出莫是撥無因果麼且喜沒交涉須知此事貴在英靈特達之

士向未舉已前薦得自然如水投水似空合空不落理路窠臼不被知解糾纏不假爐鞴鉗錘不費師家鹽醬你看六祖石頭何嘗嘮嘮切切爲丹霞青原打葛藤來所以山僧尋常向諸人道要急相應直須向佛未出世祖未西來時會取你道佛未出世祖未西來時還有許多名號也無還有四聖六凡種種差別也無還有戒可受有禪可參有教可聽也無眾兄弟須知本來無事本來現成本來平等本來解脫祇因迷頭認影遂至向外馳求所以道演若達多失卻頭狂心歇卻卽無事圓覺云知是空華卽無輪轉亦無

身心受彼生歿楞嚴云。妙性圓明離諸名相。本來無有。世界生歿法華云。是法住法位。世間相常住。教乘中宗門下。千般譬萬般喻。滿口道破和盤托出。爭奈自己夙無靈骨。命根不斷。偷心不滅。動是隨語生解。逐境飄流。見人說有。便著有。見人說空。便著空。見人說無事。便坐在無事。甲裏譬如彊盜打劫。相似見人說此屋有寶。便信道有。或向道無。又疑是無。直待一拳打破門來。一看原來真箇是空底。方悔從前虛費許多氣力。平日偷心當下頓歇。學道亦然。你若偷心不滅。縱使學得一知半解。轉得一機兩機。坐到純清。

絕點身心俱忘也。未是到家底消息。眾兄弟時光倏忽。歲月蹉跎。纔方結制。又是一月了也。直須努力。不可等閒。况是千里萬里。受盡波吒。行腳到翠巖經冬過夏。豈是爲片衣口食。無非要發明己躬大事。翠巖者裏也。不管你五夏前五夏後也。不管你靈利不靈利也。不管你你是老是少。纔進門來。便覲面提持開口見膽。你若信得及。見得徹。直下四楞蹋地。昔世尊在日。有一大富長者。子名曰億耳。投佛出家。爲求道故。日夜精勤。行諸苦行。以精勤故。遂致身體尪羸。足破血流。意欲退道。佛知其故。乃謂耳曰。爾在家時。舍彈

琴不曰能佛曰絃太急太緩時如何曰聲不成曲佛
曰不急不緩時如何曰曲韻方成佛曰我佛法中求
道亦然太急則疲倦太緩則懈怠適中則道成矣耳
奉教不逾月遂證阿羅漢果如今衆中精勤者固多
懈怠者亦不少倘能受戒參禪修行學事皆如調絃
相似緩急得中則思過半矣且道沒絃琴上如何著
力各各請歸堂明朝是初一

解制普說違真順俗未脫根塵卻謝招陶猶存取舍
翠巖法社迥異諸方去亦不招來亦不拒真亦不立
俗亦不違若是摩霄俊鶻直下承當跳出金剛圈吞

卻栗棘蓬便解石女腰邊橫裁兔角鐵牛背上倒刮
龜毛須彌頂上行船鄱洋湖裏走馬拈取香至國與
新羅國鬪額不爲分外到者裏佛亦是塵夏說甚麼
念佛投於亂心亂心不得不佛淨亦不著夏說甚麼
清珠下於濁水濁水不得不清清濁既亾心佛無二
雜念淨念皆爲解脫成法壞法無非涅槃柳巷華衢
淫坊酒肆漁樵耕牧將相公侯一一現本身舍那處
處示當體阿逸旣然如是佛印因甚又道蘇學士胸
中有萬卷書下筆無一點塵祇是不知性命落處甞
舉兄弟灼然有他恁麼道你若不知性命落處縱饒

胸羅萬卷筆瀉千篇諸子百家五經十七史乃至三藏十二部一切修多羅一時會盡到眼光落地時半點也用不著豈不見魯哀公問性命之道於孔子子曰分於道之謂命形於一之謂性化於陰陽象形而發之謂生化窮數盡之謂成是故命者數之始也死者生之終也有始則必有終矣大衆生歿始終陰陽變化之理孔夫子固分析得甚詳若是無生無滅無始無終者一著子畢竟不會點得破爲甚不點破急則治其標我祖師門下談佛性之理卽不然昔異見王問波羅提尊者曰佛性在甚麼處者曰性在作用

曰若當作用幾處出現者曰當作用時其處有八曰八處出現當爲我說者曰在胎爲身處世名人在眼曰見在耳曰聞在鼻辨香在舌談論在手執捉在足運奔徧現俱該沙界收攝在一微塵識者知是佛性不識喚作精魂大衆佛性精魂是一是二若道是二正是撥波求水若道是一又是認影迷頭到者裏須是自悟始得你若自悟一回便見得根根塵塵周徧法界生滅去來本如來藏所以文殊問菴提遮女曰生以何爲義女曰生以不生生爲生義曰如何是生以不生生爲生義女曰若能明知地水火風四緣未

嘗自得有所和合而能隨其所宜是爲生義曰如何
是死以不死爲死義女曰若能明知地水火風四
緣未嘗自得有所離散而能隨其所宜是爲死義大
衆菴提遮女說道理打葛藤卽不無殊不知鼻孔被
文殊大士穿卻今日或有問翠巖如何是生以不生
生爲生義劈脊便棒如何是死以不死爲死義連
棒打出若明得棒下意旨便知得自己性命落處回
觀菴提遮波羅提佛卽孔子之說皆爲剩語今晚因
少宰熊公遙寄淨資爲衆設茶解制山僧不免引些
陳爛葛藤與大衆作箇熱鬧其實此事不在言向上

所以少宰昨來書中自序云少季曾參園通諸老灼
知此事不由言說卽今萬念寒灰獨此因緣如魚在
水大衆你看此老雖在金紫行中猶能不昧般若正
因等閒說箇喻子多少親切諸人若能二六時中履
踐此事如魚在水如鳥翔空則結制也在裏許解制
也在裏許生也在裏許死也在裏許乃至動靜去來
折旋俯仰無有不任裏許者雖然祇如魚鳥俱潛水
空竝隕時此段因緣又作麼生行到水窮處坐看雲
起時復云卻謝招陶亦偶然雁門也是老婆禪一回
入得洪崖社五濁泥中綻白蓮

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

機述

普說今宵不必宣規約打起精神透祖關言下豁然
開正眼始知結制亦無端正眼既開不在此限正眼
未開出衆決擇衆不出師乃云問得也好不問更
問去答來於本分中了無交涉豈不見香嚴參瀉山
山云問子在百丈問一答十問十答百此皆是聰明
意識邊事試向父母未生前道將一句來嚴不能答
乞山說破山云父母所生口終不爲子說嚴云今日
乃知画餅不可充飢此生誓作箇長行粥飯僧決要
明者一著子一日因聞擊竹聲打破漆桶遂遙望瀉
山禮拜云瀉山和尚大慈恩逾父母當時若爲我說

破何處有今日復述偈云一擊念所知更不假修持
大衆祇者兩句已自透頂透底如今人參禪不得力
蓋爲所知障耳所以道入此門來莫存知解又有箇
跛腳阿師參睦州幾度扣門不容見一日又去扣門
州云誰云文偃州開門文纔跨入州遂推上門云秦
時轆轤鑽文被拶折腳忽然大悟你道他當時問頭
也未置得因甚便悟去良遂棄講參麻谷谷見來便
閉卻門遂再去谷纔見又荷鋤往園中去遂有省乃
云某甲若不來見和尚洎被經論賺過一生歸謂學
徒云諸人知處良遂總知良遂知處諸人不知夫爲

支那

喜喜師普普普

七四

善知識者當慈悲方便接引後昆爲甚見人來參總
不理答他且道麻谷爲人在甚麼處臨濟在黃檗會
下三季不會問一句話一日因睦州教問如何是佛
法大意三度發問三度被打當時黃檗因甚亦無指
示若覩得黃檗心行破便見得麻谷爲山睦州等同
阇無異上近代宗師得此機用者不道全無祇是少
學者纔求開示便授一箇夾話頭學者思量得一句
合頭語一荅荅了師家連忙印證云好好虧你祇是
要明差別公案便好爲人遂將五家宗旨一齊向伊
註破祇是自己分中依舊黑湯湯地如此行徑正所

謂日中灌瓜掘苗令長但知與兒酥酪消與不消都
總不知你若消不得酥酪亦成雜毒自餘分玄分要
配三配五大法小法之流固是不堪齒錄時當末法
明眼宗師固少正因行腳者大似披星揀月祇是趁
熱鬧圖輓暖貴耳賤目聽見三千五百處便道是真
善知識青黃不辦菽麥不分及到叢林中自己事且
不著急祇管管人間事東家杓柄長西家杓柄短某
知識慈悲肯爲人說某知識有福報肯爲衆某知識
有學問語句鐵新走過幾箇叢林見得幾員知識便
以老參自居空腹高心向無眼人前稱王稱鄭安自

尊大及到明眼面前依舊來不得不免納降款似此等輩謂之州縣白蹋僧打野禪漢打殺于千萬萬有甚麼罪過又有一等靈利些底將古人殘羹餽飯築向一肚皮也作得幾首歪偈轉得幾轉套語及至勘驗將來毫無實據依稀彷彿鹵莽顛頂也不管自己穩當不穩當祇圖宗師說箇是說箇好便歡喜不了拈微別代一齊都安排得停停當當祇是手卷拂子一到手便向三家邨裏旋蒸熱賣去甚至付而又取取而又付師資矛盾兄弟仇讎古風掃地目擊寒心此無他蓋爲末上擔簦行腳便無正因耳法華舉云

行腳人須具正因始得不是遊州縣翫山門景致過日子蓋爲生歿事大尋師訪友決擇疑團誠哉是言從上諸祖現身塵刹豎立法幢無非要人發明生歿大事卽翠巖初興恆產未復錢穀亦不足以安眾內外職事一季拮据東家化幾斗西家化幾升無非成就湖海有志高衲於此名山大刹中了脫生歿大事諸公不憚劬勞千山萬水到翠巖晝三夜三無眠失食也祇要決擇生歿大事千里之行一步爲初九旬之期今夜爲始母論堂內堂外皆當痛爲生歿真切做工夫日前有幾箇禪和子再三要求進堂見山僧

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

卷之四

七

不允便哭山僧祇是好笑難道禪畢竟要在堂內始
參得堂外便參不得禪耶殊不知饅頭邊東司上乃
至搬柴運水舂米推磨總是諸人放身命處祇為你
心麤頭頭錯過如今要得急切相應但將從前知識
處學得底冊子上記得底零零碎碎解得底盡情拋
向東洋海裏胸次中虛虛間寬寬曠曠更須生起
三種大慚媿心一者自念我與釋迦老子無二無別
祇因不達本地風光所以流浪生灰經無窮劫而今
幸得人身六根完具又逢善友得聞正法即今若不
討箇分曉將來又被業識牽向驢牛肚裏翻筋斗去

有甚麼了期此豈不是大可慚媿底事二者古德千
言萬語及天下知識橫說豎說無非直指此事而今
開卷便是銀山萬疊見知識說話似鴨聞雷問著本
分事口如膠黏教中呵為啞羊僧此豈不是大可慚
媿底事三者兩鬢垂雪一事無成生無益於時灰無
聞於後此實可慚可媿可羞可恥奮起三種慚媿心
了疑情自然發得起工夫自然做得上不著更問人
別人為你說底都是灰法子一部禪關策進祇是箇
切字註腳你若生灰心不切直饒從朝至暮從暮至
朝說到彌勒下生也沒交涉今晚聚首百餘員皆老

支那

五言律詩

七

戒篤實之士且無虛頭伎倆九十日內要了無量劫
來生死事不是等閒直須切上加切猛上加猛驀地
築著磕著要透祖師關候也不難且道如何是祖師
關待諸人一一打破漆桶來與汝註破

告香者說古人不復見古規不大行古風欲墜地古
道焉得明欲明古道須行古規古規既清古道自振
何者爲古道直指人心見性成佛是何者爲古規三
八入室且望五參是然且望五參不過提綱挈要唯
入室一著乃細密鉗錘所謂由也升堂矣未入於室
也昔慈明參汾陽經三載不許入室凡有所訓皆流

俗鄙事是故先德說法觀時觀機不妄下刃不輕發
藥一發刃下藥必使命根斷百病除百病既除藥亦
無用學者服藥未得通身汗下者固不枉言已得通
身汗下者往往執藥成病所謂閨閣中物舍不得譬
如靈龜負圖自取喪身之兆昔夾山未見船子之先
洛浦未見夾山之先皆害此病若不遇大手眼宗師
卒難整頓現前兄弟各各氣宇如王一知半見不道
全無要得透頂透底頭尾相稱祇恐達摩峯未肯點
頭在適來參頭爲眾啓請云現前兄弟各爲生死事
大無常迅速伏望慈悲開示因緣大眾祇者生死事

9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

機趣

五祖禪師語錄

太無常迅速一段因緣已是為虛空窅耳穴了也何
况舉古舉今說長說短於諸人本分中祇益戲論且
道本分中如何透信若道不得山僧不免為須彌安
鼻孔去也豎拂子云見麼箇箇眼裏有珠必定是見
擊拂云聞麼人耳中有竅畢竟是聞聞底不是聲
見底不是色聲色全真見聞不隔所以道卽此見聞
非見聞無餘聲色可呈君箇中若了全無事體用何
妨分不分眾兄弟還了得麼若真箇了得便見得生
卽無生歿本無歿更說甚麼生歿事大日月往來春
生夏長四序推遷靈臺不變更說甚麼無常迅速然

雖如也是也須實證實悟始得你若一向學將來解將
去爭奈生歿到來依舊手忙腳亂譬如說食終不飽
人所以參貴真參悟須實悟莫打野樗弄虛頭虛度
一生一失人身萬劫不復豈不見佛果在五祖會下
機辯迅捷每呈伎倆時五祖祇是不肯他佛果以為
用心行移換人五祖道你他日著熱病打時方思量
老僧話在佛果忿然而去在金山果遭熱病打一頓
病中著忙方思五祖之言不虛病愈卽歸五祖後因
聞頻呼小玉話始得打破漆桶大慧天資敏利英俊
過人參了一十八季禪諸方老宿無一不印可他祇

支那

五祖禪師語錄

七

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

卷之六

十五

是不肯自欺及至天寧聞熏風自南來話始得一念不生前後際斷可見先德皆從實證實悟中來所以光明烜赫照耀今昔日前有箇禪和到翠巖頗聰明也有些糊孫伎倆祇是到結角羅紋處便來不得因放他在侍者寮要朝夕煅煉一晚問他萬法歸一一歸何處他云今晚不向和尚道山僧道你與麼答話何曾夢見他云和尚不肯某甲諸方自有人肯我在山僧道你他日著熱病打時方思量我在後在侍者寮大病一場叫爺叫孃撒屎撒尿不逾月起單到諸方便付屬去了大眾呼見古今不相及不啻天淵古

風欲墜地於此可見翠巖者裏不敢效諸方大宗師輕易放行縱使拈得頌得石火電光也來得入理淡談也來得更須審你悟處真實始得縱使悟處真實更須驗你行處真實始得所謂解行相應名之為祖縱使解行相應更須用處親切始得你若大法不明宗旨不透用處不親臨機不免瞎人眼目如何為人抽得釘拔得楔解得黏釋得縛奉勸現前兄弟須看先德典型莫逐今時流弊從今告香之後有鼻孔者遇挂牌時不妨入室中披肝瀝膽微細決擇未得入者直須抖擻精神豎起脊梁將三百六十骨節八萬

支那

古史

三

機述
四千毛孔并作一箇疑團莫管他是莫管他非莫管
他古莫管他今晝夜忙閒行住坐臥茶不知茶飯不
知飯疑來疑去逼來逼去左不得右不得吞不得吐
不得死不得活不得百不得時忽然失腳蹋破虛空
平沉大地譬如泗州見大聖遠客還故鄉那時方見
告香入室也是多事旦墜五參也是多事了生脫死
也是多事成佛作祖也是多事雖然若守著者箇見
解坐在無事甲裏正是膏肓之病拄杖不在荅帚柄

聊與三十

古雪詰禪師語錄卷十



八世

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8